

棗

林

雜

俎

棗林雜俎 中集

名勝

黃河

運河

潮汐

王盜窟油記

呂梁洪

月湖

石槽水

粉水

龍潭

珠池

九河

鹽池

南亂北亂

高穴

鴈湖

醋溝

須水

鶴州水

清池

蘇池

舜井

丹井

肅府井

鹽井

澹泉

膽泉

燕泉

喊泉

靈泉

營建

山陵

槐廳

聖井

柳翠井

火井

喜客泉

肥泉

婆婆泉

聖泉

灼突泉

溫泉

候氣室

月惠堂

梅熟堂

六老堂

采玉堂

銅雀臺

厄臺

主人臺

鶴臺

摩旗臺

六相樓

瑞光樓

四雨樓

朝天宮

鐵柱宮

雙魚宮

白塔

鎮河塔

龍門禹廟

南岳廟

御題祠山廟

江神廟

長平驛

鐵柱

與言書院

冰儼

魚骨橋

皇過此橋

廣濟橋

倒流橋

萬安橋

仙橋

楹帖

鐵牛碑

宋文貞公碑

毛文龍碑

木碑

定霸城

顛項塚

鯨墓

禹陵

關龍逢塚

齊桓公墓

雙娥堆

陳仲子墓

王翦墓

青塚

孫嵩墓

高陵

黃耳塚

郭璞墓

張寶墓

寶峯寺古墓

瀧陵阡

琴操塚

鐵棺

黃元菴墓

張王墓

鄭曉墓

器用

硯

仙針

太康瓦券

李太白墓

南漢劉氏塚

蘇文忠墓

方臘祖塋

劉刺史墓

蕉花女墓

孫一元墓

邵灣古墓

鐵塔鐵鑊

琴

鐘

圓花鐸

張三丰食器

貢金

銅冶

鐵獅

關將軍印

藤船

荒銀

祖母綠

緬鈴

榮植

鼓

碎塵鑪

銅法馬

窖金

紫石英

銅獅

遺印

空青

琥珀

蓬萊閣石鏡

古木

竹

彭侯芋

荔枝

羅漢菜

地黃

薔薇露

文林郎

君子樹

血樹

塔松

陰陽柏

穀

長韭

甘藷

獨本葱

人參

佛手柑

大內瓜子

不灰木

木炭

鐵樹

椿實

紅苴樹

順棘

羅漢樹

金剛纂

孝陵海棠

婆樹木花

娑羅樹花

葡萄花

玉女花

延州紅

金蓮寶相花

轎頂花

素馨茉莉

狼草

松羔

赤藤

指甲花

木蓮

唐婆鏡

滇茶

勞山白牡丹

海棠

紫金蓮

普舍樹

特產

廬山紫芝

菊譜

棉花

仙草

真仙洞草

俱那衛樹

虞美人草

通靈草

茶

經却草

頤動

獸異名

芍寶

蘭

茅

不死草

觀音菟觀音燭

夢花草

羅漢繖

相連草相離草凝漢藥

金線煙

禽魚異名

龍

蛇

飛魚

狼山魚

鯢魚

石花魚

蛙

蝗

金蠶

鳳尾

雞足山異鳥

朱鷺

蟒

石魚

五色魚

鮪魚

畫魚

鯽魚

玉蟾

螢蟬

野蠶

碧雞

石燕

海鵑

石鷲

鶴

鸚鵡

綠琴采雞

鴉

抵詭

毗耶

獅

犬

白兔

豪彘

白蝙蝠

鷓鴣

沙雞

羅雀

挑拔

騰軒

鹿

羊

鼠

麟

馬

棗林雜俎 中集

鹽官談逸稿木著

名勝

黃河

河南北諸水源渟而暴漲每遇發時浪高數丈排山倒岳杠梁舟楫皆不易施然其淺可立而待也故俗以徒步為便許松舉謂孟子不知子產乘輿之事亦有理陸儼山外集

九河

保定地卑水自西北來者九曰蘆溝梅拒馬夾河琉璃胡良桑乾烏流白澗白溝是為北九河非禹九河也疏從雄縣而下匯於毛兒灣

運河

鎮江至杭州運河相傳隋煬帝鑿濟寧楊士聰游武進戚墅堰請還碑

咸豐支河自六朝已有之此言必有所據夫使運河未通而先有支河此涓涓者將安所歸則知自古而然非自隋始也或因而濬之耳見玉堂薈記中愚按夫差鑿邗溝以通江淮能致力江北豈蘇常近地獨不通舟楫耶攻楚攻齊轉餉一二千里必非陸輓則運河為夫差時無疑

鹽池

解州鹽池蚩尤所窟穴平時淺波歲九月九日先後數日當大風雨為化鹽之候彼二十里之聚各儲草薦木屑竹枝樹梗敝履壞絮之屬一切雜投狂風一夕作凍明日視之滿皆鹽花矣味甘鹹甚瑩潔始祭蚩尤之旗官收其半民取其餘無不滿志

宣夏鎮城南北各三十里俱有鹽池其產不多官亦不禁不知於古何若河東邊外有花馬紅柳鍋底三池以境外棄今鹽池之在三山兒者曰大鹽池在故鹽州城之西北者曰小鹽池其地曰字羅等池最多皆

分隸大鹽池其鹽不勞人力因風而生原額三千二百餘引弘治九年
延綏盜夏二鎮輪招馬匹尋乃奏革正德初總制楊一清奏如河東運
司例每引收銀一錢五分增課五萬二千引

潮汐

招遠楊太史觀光日地之有潮即在人有天癸之說也潮之理每歲升
降於二八二八為一歲寒暑之分每月升降於初八廿三為朔望之分
每日升降於朝夕朝夕為晦明之分八月潮生而天交於地二月潮生
而地交於天天交於地而秋冬閉胎息之象也地交於天而春夏啟長
養之象也天地男女一而已矣

崇禎戊辰潮溢吾寧邑人望城外如火蓋陰火潛然之謂也

南亂北亂

平涼府沙崇川出崆峒山之後峽瀝於崆峒之東麓曰南亂金佛峽水

備府川而東至龍音寺出與崆峒前後峽水而為涇過府城西北曰北
亂詩注曰亂截流橫渡也平涼府志

王崑窮汭記

涇州諸生王崑記曰汭水紀於禹貢廣韻汭音儒說文汭从水从內訓
曰兩水合流之謂也又曰小水入大水之名質其實雍豫二州有專名
之者有通名之者專名者以義也通名者以類也以類通名如會於渭
而東過洛汭是也蓋渭自鳥鼠而東逝涇出筭頭而北來二水至高陵
而匯於河經龍門東至豫州洛由熊耳東北入河既皆小水入大水且
兩流合為一以故不曰涇渭而曰渭汭不曰河洛而曰河汭由是推之
則凡諸州之水類於是者皆不拘於定名而得通稱為汭也以義專名
者涇屬渭汭是也汭在華亭城東三里乃兩水合流其北源西出小隴
山之馬峽俗呼北河南源西出隴山之仙姑峪俗呼南河北河吳朝那

山前蓋山有古朝那王廟其西北有湫東去隸東三里而別稱為兩山
南源環王母山山巔有古王母宮東去四里別稱為儀山俗呼為回頭
山儀州實以是名也儀雨兩山南北對峙豁開如門故雨水合而東流
名之曰汭也又二水交流而下亦專名為汭也汭滙為深潭潭名合水
水之北岸一臺高廣平夷荆榛瓦礫錯雜相傳為王廟也北陟雨山之
巔遙見東南隱隱峰巒侵入太虛隴州吳山也沿汭峽峽石三十里皆
斷崖推壁神禹疏鑿之跡也峽行十五里南堦有女神之廟扁曰抵汭
元君土人呼底茹娘娘汭讀為茹茹孺同音廟東十五里至石堡汭北
受柴仰水源出朝那湫山之陽而陰即為涇水又東五里至安口峴牛
心山南受武村水汭至是益大北有斷萬山自馬鋪嶺柴仰而來南有
五馬山自石樞寺武村而至兩壁削立巉巖百仞東汭於中雪浪湍激
經行五里為屯城唐李元諒屯兵扼吐蕃者也屯東為崇信川汭水益

大深不可涉行旅皆袒而濟又東三十里北過崇信縣城崇信人曰泲水逸北又東七十里東過涇州過回山乃傷於涇弘治戊午督學副憲虎谷王公按涇州試諸生竣乃涉水登王母宮宦從行王公東眺曰北流而濁者何水乎宦對曰涇也南流而清者何水乎對曰泲也公曰是禹貢雍州舊涇之泲乎周職方其川涇泲乎昔公劉有泲鞠之即吾過豳西行三十里涉一大河北入涇是何名乎宦曰靈臺之達溪也公曰朱子注芮鞠之即曰豳地日廣也試且廣求之斯地有百泉乎宦曰去華亭西北三十五里朝那山秋陰有泉百餘為涇源乃百泉也有溥原乎宦曰亭口靈臺之西汧陽隴州之北華亭龍泉之東有廣原唐尉遲敬德破突厥郭子儀破吐蕃之西原也李元諒開美田千頃號曰良原今為溥潤原公又曰此與吳山南北乎宦曰正相南北公曰必茲西去百里外有兩水合流者可謂之泲矣若其窮之乎宦計華亭至涇程一

百三十五里果符公言還白之公曰朱子注詩言泗水出吳山西北者以名山而志名水窮泗沂流也今遂謂出隴州東入於涇今隴水乃沂入渭去涇遠矣且將置溥原於何地乎

趙中丞時春曰盜之論泗渭小水入大水是矣然達漢雖經流靈源出武村西南遠門川諸水合良原靈臺諸溪以入涇皆泗也

禹穴

松潘亦有禹穴禹生於此其水昏丹樞李徐道荆親見向予言之 陳眉公太平清話

呂梁洪

萬曆癸卯鑿徐州呂梁洪得唐尉遲敬德所題名相傳孔子觀呂梁非其處

鴈湖

廉州府城西北七十里鴈湖每秋冬有雙鴈游於其間為其罕有故名

月湖

宣夏衛月湖廣斥無水草遠望瑩然畢照俗呼稱古戰場也

醋溝

唐岑參詩鴈塞通鹽澤龍堆接醋溝郭緣生述征記營寇城至醋溝凡
十里

陰司溝

襄城縣北四十里穎橋鄭莊公見母處有隧道在焉俗呼陰司溝

八功德水

南京靈谷寺琵琶街側有池云八功德水余嘗過之則澗按八功德水
見天竺國一清二冷三香四柔五甘六淨七不噎八除病

皇后水

武安縣西八十里太行山中有池夏涼冬溫世傳宋太祖下河東將引皇后入晉陽后病瘡搦此水浴之遂愈至今稱皇后水武安縣志

冰柱水

宣府懷安衛城西南三十里虎窩山崖水出盛夏結為冰柱至隆冬反釋

瀘水

諸葛孔明五月渡瀘瀘水即黑水非瀘州也其水色黑故曰瀘沈黎古志孔明南征隸今黎川四百餘里至兩林蠻自兩林南瑟瑟部三程至雋州十程至瀘水瀘水四程至弄棟即姚州也金沙江在滇蜀間一在武定府元江驛一在姚安之左卻據沈黎志孔明所渡當是今之左卻瑟瑟一作風琶兩林今之邛部長官司也

愛陽河水

宣府愛陽河在炭山西北二十里本牧地深二尺餘下有頑水黑色者數尺水上有浮草性涼宜牧馬其地生黃花大如錢人馬蹂踐萎悴明日復生如新

石槽水

高陵縣清真觀在縣東南二十里吳村西魏文帝嘗過此有石槽圍方不及二尋水常盈以飲隨駕馬千餘匹不減涓滴文帝異之主觀者對曰臣有飲馬珠在內故水不竭傾首獻珠今石槽存

須水

滎陽須水須音會今寫作須讀作需訛

粉水

粉水源出房縣廂何夫人於此漬粉鮮潔異常

鷓川水

雲南鶴慶刀劍取麗江之古宗鐵灌以鶴川利可割犀屈之可以繞指

龍潭

天啓丁卯立秋日天台石梁下龍潭忽涌金錢二枚各重一兩六錢面鑄太平通寶字攷縣志宋太宗鎮潭物也遂塔曰聖祥

清池

滄州清池凍冰結花四散離披有松竹牡丹車馬人形等異狀詩云雨
木日甲皆伋立結冰花上盡離披出周府博平王錦囊

清池中蓮蕊取之研如泥凡繪圖寫畫光焰勝金色以上滄州志

化癭池

武安縣西柏林里有池周十八畝癭者飲之可化

珠池

廉州府城東南八十里有平江青鸞楊梅池雷州有樂民池俱產珠

明時率十五六年或十年一採始得美珠過者三年一採俱碎小蓋泉
有司願受詰責

嘉靖二年採珠至廿二年復採僅隔十年海北道僉事翁溥嚴立採法
四閱月方才封用 銀七十餘兩除織造螺筐起蓋儼房夫役俱役民
不預造報者不下二千餘兩僅得珠四千餘而所得不償所費尚且碎
小 匱不堪二十四年九月又採如前知府胡鰲建議謂前採紉至今
僅隔一年螺珠未生縱有一二生息俱係嫩小無珠恐復虛費又攷洪
武廿九年詔採珠至永樂十四年始復採又至天順三年詔採珠弘治
十五年復採正德九年詔採珠則以為類數矣嘉靖五年詔採珠其年
十二月大雨池水冰結樹木皆枯民多凍死螺筐夜有火光人皆異之
九年又採十二十三年連採此珠之所以少也正德九年採珠 樂民
池無珠

蘇池

眉州三蘇祠有二池過賓興蓮開並帝必有登科者

舜井

舜井在歷城山下綠床朱綆婦子牽挽數十步不止也深十五丈左圍右方或棄物於井則從西出

倒井

諸城縣北五十里城陽社井欹卧斜入如人攀倒而然泉甘冬夏不竭

聖井

邯鄲縣西北二十里聖井其水常溢遇旱取水祈禱有驗先期齋宿於廟次日詣城隍廟焚告詞又次日與眾步迎城隍如聖井廟拜訖全登婦潔者七人各持新帚環井洗箕以箕揚水如飛雨狀仍各大聲云東海老龍七箇女刷子簸就下雨如是者數次始陶井時大伐鑼鼓眾伏

地號呼如哀如訴待新泉涌出取注瓶內仍徒步捧歸朝夕行香雨後送入井謝之即郡縣志

丹井

四川德陽縣江干有許旌陽丹井江水撼射井屹然不崩歲旱江竭井溢如故郭子章蜀草

柳翠井

仁和縣皋亭山柳翠墓昔濟菴有柳翠井

肅府井

甘肅肅王府有井嘗澗秋子果熟以牲禱井泉溢煎果作紙味酸解渴化痰果盡復澗又酒泉舍無鼠曹隸藍亞中集

火井

臨邛縣火井夜時光映上照民欲取其火先以家火投之頃許如雷聲

火焰出通燿數十里以竹筒盛其老藏之可拽行終日不滅井有二水
取井火煮之一斛水得五斗鹽家火煮之得無幾也杜詩負鹽出井此
受女正指是井蜀井大都艱於得鹽而此井獨易

鹽井

蜀中鹽井始於李冰大都竹井井形大如竹僅可容竹也其鑿之甚艱
其入之甚深其汲之甚苦水出山石澹上鹽下有鑿至五六十丈而淡
出百丈而鹽出鉄舒漕釘刮簡吞筒等器織悉岳備不比晉齊燕取水
成鹽之易也 四川通志

喜客泉

白容茅山喜客泉闊二丈深三四尺清冷見底客至拍手浩歎懽笑泉
底噴沫如珠串啞啞向人浮出相戒默然無言泉亦沈靜

澹泉

海鹽尚胥橋北河中方丈許沸涌味淡蓋海眼也或經探之莫測土人沈氏偶篙中之反躍一木為梁又縣城西天寧寺有澹泉鄭端簡澹泉本此

酒泉

東昌往平縣西北丁家岡甘泉宜釀

肥泉

水經有肥泉如國地志有肥漿城其地在今東垣之境泉水詩曰我思肥泉茲之永歎釋謂衛女思歸肥泉為自衛而來所渡水今此水當在那衛之間予往經是縣泉水又不多見也但觀其土壤沃饒優於鄰境肥之名其以是與

陳裴廣平府舊志

膽泉

鉛山縣西七里銅寶山有貌乎坑石竅中膽泉流出浸鉄可銅又鷺湖

鄉去縣沿七十里有溝漕七十所取本地水積為池隨地開溝碎鉄鋪之浸染色變銀則為銅又德興縣北銅山下一名銅泉浸鉄數日類朽木刮其屑銀銅

福建上杭縣紫金山胆水池亦如之宋游經言胆水可浸鉄為銅者凡十一所古坑有水處曰胆水無水處曰膽土胆水可浸銅胆土可煎銅

婆婆泉

廣西慶遠府思恩縣北五十里有水常隱不見遇行人渴飲婆婆則涌出飲足復竭慶遠府志

燕泉

柳州城西有泉春燕來水盈秋燕去水平故何孟春尚書號燕泉

聖泉

貴州城西五里泉出石罅滙為方池一日百盈百竭弇州錄名百刻泉

郭中丞子章往觀，倏盈倏竭，偶雨集井溢，僕夫趣歸，言百舉成數也。一
統志稱聖泉長史劉汝楫記曰：字內名泉若湯泉、火井、瀑布、釣突諸類，
洎陸羽所品，次靡可縷指。特壤界色味稍殊，而無潮汐。惟漳浦、蜡湖、候
官潮泉、鐘山應潮、建州潮泉固亦消息有期，而其地瀕海，乃緣海為潮。
汝泉不得與也。若池陽潮泉，章貢三潮、安寧海眼，樂平鳳游、荆門蒙泉，
柳州潮泉，吾鄉龍驤潮，井去海懸絕，似與聖泉為伍。第彼潮候僅再至，
三至亦未有百刻消長，別具一橐籥者，則聖泉之靈且异在別境，豈復
有此乎？

喊泉

武夷山喊泉，嘗製貢茶，太守禱畢大呼：天子要茶，泉即溢，復呼太守要
茶，泉復溢。否則涸。按何喬遠《閩書》：建安縣御泉一名鳳凰泉，一名龍焙
泉，泉上供茶，取此深僅二尺許，有暗渠通溪，泉日夜從渠出，而舊志謂

城之則出造畢則竭蓋神异其說以表美矣

趵突泉

濟南府呂祖廟前趵突泉三穴並湧高數尺如隱雷蓋沈水下流也崇禎乙卯正月濟南陷泉勢亦減

靈泉

岐山縣東十五里周公廟東西有靈泉相傳世治則出世亂則竭其出必風雨數日唐太宗二年出賜名潤德後復竭雍熙二年復出金末復竭元至正十七年復出其後仍竭明弘治十五年九月甲子雷風又作山澤震裂泉乃復出

溫泉

泉貴甘列至於溫异矣又並泉也一溫一冷猶是泉也倏溫倏冷不異之異乎博物志凡水源有硫黃其泉則溫或云神人所暖主療人疾後

周王褒溫泉銘云白礬上徹丹砂下流乃知溫泉必白礬丹砂硫黃三物之為根乃蒸為煖流耳明廢陵御史桑喬曰雷火所灼其氣亦硫豈以雲雷之中而亦有硫哉蓋極陽之氣也夫溫泉亦極陽所聚蘊隆如五行變化莫所不至蕭山之墟有涼颺焉可云其下有冷石耶愚深服其辨而溫冷變換又所未解政聖人之不論不議也概見一統志間有遺採偶彙之似終未盡

北京

順天昌平縣西北二十五里湯洛山下有溫泉又東南三十八里湯山下有湯泉四時常溫浴之愈疾

遵化縣西北福泉寺山下寬平約半畝泉水沸出溫可浴

真定府平山縣西四十里溫泉

阜平縣西北八十里湯池俗傳昔有吳王經此欲浴池水忽熱王惡之

旁即有冷泉噴出至今兩泉一溫一冷

順德沙河縣西北七十里湯山下湯泉可愈疾

永平府撫寧縣東北七十里溫泉浴之愈疾望之熱氣氤氳

延慶州西北三十里佛峪山下有溫泉

保安州城南十五里溫泉

萬全都指揮使宣府城東六十里湯池山有溫泉愈疥癬人西南順聖
廳縣東二里溫泉下流半里滲地

赤城堡龍門鎮直隸府城東北鄉赤城寺側山根湧出暴熱而流有一冷

泉浴之愈疾

雲州堡寶濟鄉暖湯一處山泉凡七十二眼

南京

應天府上元縣東六十里湯山湯泉六穴以煮豆穀終日不熟草木灌

之愈鮮茂劉宋江夏王義恭銘曰秦都壯溫谷漢京麗湯泉炎德遠
液暄波起斯原 府城東北四十里水同一壑冷熱相半熱可論雞
中皆有魚魚交入輒死民引熱水溉田一歲再熟 入府東南鴈門山
上有溫泉可浴

江浦縣西三十里湯泉一名香泉其泉有二相去百餘步南唐韓熙載
記其泉能蠲除疾疹又溧水縣西南香泉同

盛州府集縣東北十五里半湯山有二泉名半湯池一冷一熱合流其
初冷熱仍异數里之外始相混魚自冷泉觸熱則豎回

舒城縣西南七里湯泉冬夏常熱可以烹茶

英山縣東西皆有湯泉四時沸騰不竭

安慶府望江縣菩提寺北司馬龍井冬溫夏冷可以愈疾

皖公山上湯泉四時如湯可浴

徽州府歙縣西北百二十里黃山第四峰有泉沸如湯常湧丹砂浴之能愈風疾

和州北三十五里平疴湯泉其色深碧沸白香氣襲人愈瘡疥太子泉即湯泉之一梁昭明太子嘗浴此

含山縣永興院半湯泉

山西

太原府定襄縣東北二十里聖阜山有溫泉龍朔中嘗賜錦幡李治有碑記

遼州東八里溫泉冬寒熱氣上騰五六尺沁州南一里暖泉隆冬不冰

孟縣北百二十里溫泉有三穴一穴出盤石中尤熱舊經云北齊濟南王有疾於此沐浴遂愈其水南注潯沔河一出縣東二十里名溫池泉

孝義縣西九十里高唐山之側溫泉靈液淡淡和氣如薰經嚴冬積雪不冰

大同府治東北火井南北七十步廣減尺許深不見底炎熱上井常若雷震以草繫之則煙騰火發又東北去火五六尺湯井廣輪如火井熱勢亦同以草內之皆沾濡露結故俗以湯井為日升井

靜樂縣東十五里北山下石縫中溫泉流入碾河

蔚州府西三十里暖泉夏涼冬暖可資灌溉

尚嵐州城南山下溫泉其穴數十引為水磨

永靈州城西崖下溫泉湧出南流與川水合

孟鄉縣西南百里暖泉村其泉有氣又名牛尾泉西北流入黃河

五臺縣東南四十里有溫泉東流入清水

山東

兗州府曲阜縣南七里溫泉

沂州東北郯城縣西北俱有溫泉

青州府安丘縣西七十里溫泉

登州府城南七十里溫泉又棲霞縣艾山盜海州嶧山

福山縣西三里奇泉自石孔出味甘冬溫夏涼

招縣城東二泉並出一寒一溫

盜海州東四十里龍泉之登縣西七里湯泉人東北六十里溫泉皆寒

溫二泉並發

萊州即墨縣東四十里溫泉烏墮輒爛旁有涼泉

遼東都指揮使司溫泉凡六一都司城南五十里一城東南五十里柳

河一西南七十里鞍山一曹庄驛東十五里一盜遠衛東南二里一廣

盜前屯衛東北七十里

河南

河南府城南溫泉冬溫夏涼又新安澠池嵩縣俱有之

南陽府城北二十五里紫山有水冬夏常溫曰陽谷

裕州歷山七峯山各有泉冬暖

汝州西南六十里溫湯泉有九眼東南流注廣城澤可療疾唐武后嘗幸此有溫湯碑又有寒泉南流

汝寧府固始縣西南山中溫泉其熱如湯其色綠

商城縣南溫泉能已瘍疾

涉縣西北三十里溫泉今淤塞不存

陝西

西安府臨潼縣東南二里驪山溫泉下乃磬也秦始皇於此砌石起宇漢武加修飾唐時建溫泉宮

藍田縣西南四十里石門湯泉 武功縣太乙山有水沸湧如湯可療

百疾

鳳翔府寶雞縣太白山有溫泉可治百病世傳清則疾愈濁則無益
平涼府北城之闔有溫泉即古柳河也深數尋溢出灌溉諸園圃冬暖
不冰趙時春平涼府志曰平涼府為川者二十而瀛為泉而冬不冰者
以數百而冰者不與焉

鎮原縣鹽池東有泉冬溫又有泉可植蓮皆東入高平鄉

隆德縣城東百步溫泉出石穴寒洩不冰萍草久青下有廢蓮池園可
二里

靈臺縣保山之陰溫冷泉半溫半冷浴之愈疾

靜寧州城東五十里有暖泉冬弗凍又城東三十里乾禮川有溫泉
延安府沿南泉有七眼味甘冬溫夏令過大寒流溢不凍甚濟居人

甘泉縣南四十三里溫泉山下有溫泉

陝西行都指揮使司永昌衛城西南三十里暖泉二穴湧出四時常溫
東北流入水唐川

涼夏靈州守禦所西南一百餘里山東滾泉自地湧出高丈許其沸如
湯

涼夏靈州暖泉在鹽池西南

浙江

金華府東陽縣東南四十五里夏山上有池冬溫夏冷

台州府仙居縣東南二十里黃赤湖修廣皆數丈水四時如沸夏飲寒
浸毛骨冬飲則如湯相傳宋時嘗有龍出沒云

桐廬縣北十五里神泉冬溫夏冷病者飲之或瘥祈禱多應

江西

南昌府宜州西黃龍山冷暖二泉同出相去數尺

奉新縣九仙山湯泉湧出道間一溫一沸

南康府建昌縣西八十里湯泉愈瘡疾

廬山主簿山在胡郎廟南數里山下有溫泉穴口間一天湧出如湯沸
冬日恒熱

建昌府新城縣東四十里溫泉有硫黃氣浴之愈瘡疥

撫州府臨川縣城西三十里溫泉中有伏石分為二流其陰水差寒其
陽水常沸

吉安府龍泉縣湯泉凡三一縣西八里一新田院側一朱砂礮下

袁州府宜春縣城南三十里有溫泉泉有魚投以生卵即熱

贛州府溫泉凡九在信豐者一在宜都者二在安縣龍南者三皆溫如
湯而宜都尤熱

九江府德安縣三十里廬山下湯泉石池五南一池極熱手不可探北
四池稍溫浴之有硫黃氣

湖廣

武昌府蒲圻縣南五里湯泉冬夏常沸

襄陽府光化縣南五里溫水河舊有一泉其水溫暖今河尚存
房縣東湯泉中有硃砂

德安府應城縣北六十里京山有溫泉淵靜如鑑聞人聲則湯氣發其
熱可燂鷄又應城西五十里玉女泉其泉熱沸

隨州城西百二十里大洪山西北有燠水

蘄州城北百四十里泉沸如湯有硫黃氣

岳州府平江縣北九十里幕阜山有溫泉三穴

長沙府攸縣東六十里溫水泉冬溫夏涼又縣東百二十里有燠水石

泉宜冬浴

衡州府來陽縣平陽五柳有二泉其水春夏溫和冬滾沸

永州府零陵縣溫泉

常德府桃源縣西北百二十里湯泉又有冰泉人曰陰陽泉

柳州興寧縣東北五十里石牛山其巔有雁池冬月溫燠雁嘗食息其

中柳州城北二十里平地泉湧出如湯沐之愈疾

桂陽縣北三十里白芒溫泉冒風者浴之多愈

宜章縣東二十里溫泉池又縣西六十里有桃花湯其水冬夏常煖

四川

成都府新都縣溫泉冬月未至數里遙見白氣如煙

順慶府儀隴縣火井天寒焰從地出

敘州府富順縣火井

重慶府城西南百六十里溫湯峽泉自懸崖而下涌出四時騰沸如湯
合州東五里溫泉

夔州府開縣三潮溪冬熱夏涼又縣南溫井冬夏常溫

潼川州蓬溪縣西二百里官館鎮之北伏龍山下火井地窪若池以火
引之有聲隱隱發地中少頃炎熾夏月積雨停水則焰從水上水為之
沸而寒如故冬月水涸則土上有焰觀者至焚其衣裾也又邛縣西八
十里火井博物記云井深二三丈以竹木投取火役人投燭井中火即
滅絕不復燃

東川軍民府西南三十五里湯池水出石竇中熱如沸湯清徹如鑑
四川行都指揮使司溫泉二曰崑番衛城東百四十里曰越舊衛城東
二十里四時溫爇可愈疾 都司北七十里熱水池四時常熱流入溪
河合瀘水接金沙江

福建

福州府城東崇賢里湯泉味甘而性和熱其硫黃氣謝肇淅五雜俎云
吾郡城內外溫泉共十五處

汀州府城東四十里湯泉

興化府莆田縣城西南大溪中湯泉有三穴如井熱甚漢時朔道人棄
丹於地水遂溫浴之多壽以上見一統志而莆田又錦江西桃源溫湯
池又上杭橋西北岸溫泉潮退可浴餘縣搜附於後

南安縣城山溫泉有四三熱一溫

德化縣湯巔湯泉出焉

永春縣湯泉二一在湯蓬一在登瀛橋北

安溪縣湯泉六

大田縣湯坑湯熱可浴

沙縣熱水池其水夏冷冬溫

永安縣湯池六熱水口苦竹村池仕洋湯池溫湯池龍峯湯池

上杭縣溫泉二小拔湯

長汀縣南何田市湯泉因數十丈熱能熟生名無垢泉又一在縣南安

仁院石竇湧出可溉田

清流縣溫泉三池溪嵩口北原可以熟卵

連城縣溫泉

永定縣湯泉三大洲湯泉出地中下洋湯泉出石壁李田湯泉熱能熟物牙有溫泉可以和之

龍溪縣溫泉舊西廂城址下

漳浦縣梁山南北兩麓各有溫泉

龍岩縣溫泉在逢潭社四時可浴一在小溪社熱氣尤盛

南靖縣溫泉四永豐里二歸德里一清寧里一

長泰縣湯泉二

平和縣溫泉二清寧里新安里

寧洋縣湯池

廣東

廣州府清遠縣東九十里湯泉有石如錢出泉熱可熟物

韶州府城東南五十里湯泉能熟生物每霜雪時泉氣上蒸赤魚時見人不能獲又曲江縣西北四十里泉有三穴四時沸涌可以烹烹又樂昌縣東北四十里溫水冬夏常溫愈疾又乳源縣西北二里石穴中溫泉又靈君山周山嶺溫泉二

瓊州府感恩縣北七里溫泉夏冷冬沸能愈風疥瘡氣

高州府溫泉三曰府城北一百七十里曰信宜縣治南曰石城縣北五

十五里

廣西

柳州府來賓縣西北一百里雙泉冬溫夏涼

象州東三十里溫湯泉其水常熱可熟物

萬州城西溫泉

雲南

雲南府安寧州北十里湯池雲南溫泉非一此為甲色碧如玉可鑑

臨安府治溫泉每春莫卻人浴三日謂祛時疫又西北四十五里及建

水石屏阿迷三州通海河西嶺峨蒙自四縣俱有之

鶴慶府城東南溫泉每歲三月浴之愈瘡

麗江軍民府通安州阿夫村有溫泉

廣西府彌勒州西十里阿欲部山下溫泉

蒙化府城南甸尾山下溫泉相傳蒙緬奴邏毋病浴之愈

尋甸軍民府南五十里溫泉俗呼熱水塘

沅江軍民府城西北十五里溫玉泉石間迸出如湯

北勝州溫泉二曰州城枯木村曰州南沙田村

馬龍多即甸長官司北五十里徹崇山溫泉其熱如湯

金齒軍民指揮使司城東二十里哀牢山下有石狀如鼻二泉出焉一

溫一涼曰玉泉又城西二十里虎障山下溫泉

隴州宣撫司湯泉從石罅出為河熱甚

貴州

貴州普安州溫泉有二一在城東南八十里一在樂民千戶所西水溫

可浴

水異名

芮水厓也芮之言內也水之內曰澳水之外曰鞠韞詩芮泥之卽阮與
鞠同九舉九折之澤也水隙曰濬隙重飯也水之夷上洒下似之許氏
曰岸上面平夷而其下為水洗蕩齧入之也水中高地曰坻水草交曰
蘆水會曰渚一曰水外高有瘞埋之象

棗林雜俎 中集

鹽官談遷孺木著

營建

山陵

孝陵應天府朝陽門外鍾山 懿文太子祔葬於側世稱東陵 孝陵
後有小阜曰大山萬曆間金壇于王立欲治葬以科臣論止空其穴後
誠意伯劉孔昭葬其父蓋臣

孝陵宮殿 太祖高皇帝孝慈高皇后左淑妃李氏 妃 氏皇貴妃
孫氏皇貴人 氏皇美人 氏右碩妃生成祖文皇帝

孝陵道中觀音閣後壁瑪瑙石高丈餘衡大有 尺光潤如玉出青龍
山永樂間採置

長陵昌平州城北天壽山自紅門進御道凡二十餘里舊名東祚子山

永樂七年卜建一曰天壽世傳燕山竇氏舊居無據千峰萬壑交鎖周
密差莪森翠後視高山數十重來跌斷明堂平閣羅城諸小阜尤密匝
祔葬十六妃

獻陵在長陵右祔葬四妃

景陵在長陵左祔葬七妃

裕陵去昌平二十五里獻陵之西祔葬十八妃

茂陵去昌平二十七里裕陵之西北祔葬十四妃

泰陵在茂陵西無妃祔

康陵去昌平三十五里泰陵之西九龍池環其前松園繞其左

永陵去昌平十八里長陵之東南規制巍敞如長陵而巧麗過之俱襄

陽白石兵部員郎徐姚駱用卿所擇祔葬妃三十壙二十六

昭陵

定陵在陵大峪嶺徐尚書學謨議擇時通政叅議梁子琦等難之
為輔臣申時行王錫爵等所斥崇禎初尚書姚思仁督理多朽石寔無
罪地脈哉吾寔陳以郊以給事中巡工言壽宮五室中三間待馭四隅
維以鐵索各大銅缸注油左右室通門待中宮及嗣帝所生母升祔
神廟閱壽宮自坐石室飲酒

慶陵

德陵石橋高不五尺長不五丈砌石無甚費而耗二十餘萬金享殿寶
域尤不賞且陵地窄甚僅當兩山之脈在永陵左沙相距不百步也蔣
德璟云

德陵寔日石梁中斷諸臣亟培土不敢以聞諸陵明有碑題宗皇
帝之陵稜恩門內有碑俱無字闕以木柵

思陵在紅門西三里與諸陵隔河諸陵俱河北思陵獨河南即故皇

貴妃田氏園也

候氣室

順天府治有候氣室每立春先期五日奏遣欽天監習占候者二人往設瑄寶灰如舊法占畢還奏

槐廳

全州蔣相國冕治第南門外巨槐一曰槐廳

明德堂

天下泮宮俱明倫堂獨應天府學明德堂以宋文天祥手書攸

梅熟堂

邦觀縣東北三十里大梅山護聖寺漢梅子真舊隱也寺有梅熟堂先是梅甚巨稱為梅龍孫權伐而三之一會稽禹廟梅梁張僧繇所畫龍飛去者有梅核半可容粟一斗正德間盜失

六老堂

南康六老堂因五老峯祀宋守朱元晦曰六老

來玉堂

王元美弇山園中堂成適汪伯玉至名曰來玉董玄宰做之樓成適陳仲醇至曰來仲

瞭鷹臺

南海子方百六十里殿旁瞭鷹臺臨三海子渡以七十二橋

銅雀臺

曹瞞臺於鄴水與西門豹祠相近今水中隱隱三臺址蓋銅雀金鳳玉井云二臺久沉一臺址稍高

厄臺

陳州厄臺孔子絕糧處崇禎時流寇佯資諸生其上圍斬之又遺厄也

主人臺

潁川東二里岳廟前元末每旦彩雲騰覆 明興太祖嘗幕其上天下
大定雲散土人呼主人臺 潁川志

鶴臺

崇禎甲戌湖廣松滋縣得石碣音羊叔子所書鶴臺二字

摩旗臺

全椒縣西北四十里宋將焦光贊結寨於焦山上營壘皆石砌高數尺
圍可六里許東有搗旗北有摩旗臺雨洗後嘗出甲葉鉄鏃之類石窖
中米麥至今猶不腐 全椒縣志

梳粧臺

皇城北苑中有廣寒殿相傳遼蕭后梳粧樓 成祖定鼎北京勿毀以
垂鑒戒萬曆七年五月四日樓傾梁上金錢一百二十文云至元通寶

則樓級於元初非遠時物矣

張居正雜著

六相樓

四川達縣本名渠故地洪武庚辰進士柳州曹嗣宗丞達縣修六相樓祀唐李嶠劉晏元禎李適之韓渙宋張商英嗣宗終廣東按察僉事

瑞光樓

鄞縣南二十里櫟社元末永嘉高則誠明避亂寓於沈氏樓作琵琶記夜按拍而歌蠟炬二枝相隔光忽交合遂名瑞光樓遺址存

四雨樓

姑蘇廣福山周天球治園有四雨樓桃梨海棠各栽一面謂海棠溼透胭脂雨梨花一枝春帶雨桃花亂落如紅雨其右臨水對山曰珠簾暮捲西山雨

朝天宮

南京朝天宮古宮城也後燬黃壇據高壇之上 太祖嘗更衣於此俗傳葬其下非

鐵柱宮

南昌鐵柱宮東南隅方丈醵池作石欄鐵柱微露乃石耳非鉄也 陸倕山猿章漫抄

雙魚宮

錢塘洪侍郎瞻祖游江西玉皇山寺見石盆中金魚八枚游泳必雙異而問僧謂僅四頭因登席俯視果然平視又如前僧曰此名雙魚宮乃旌陽真人所遺仙跡遊覽志失載

白塔

四川白塔初來安縣北六十里白塔寺路通盱眙有碑塔一座雷擊擊其末三層遺在泗州境伏虎山今存半塔創始雷擊俱不知其何年月

鎮河塔

涿州桑乾河中，以有塔名鎮河塔。嘉靖元年塔崩，內有古錢皆飛空如蝶，自後河水不時泛溢。涿州志

應州木塔

應州佛宮寺木塔，四層六簷八角，高三十六丈。遠清宣三年，田和尚奉勅募建塔，後殿九間，通一殿。苾梁洪武元年四月八日，塔頂佛燈連明三夜。文皇帝北征，幸其上，題峻極神功。後武廟巡應州，題天下奇觀。應州志

按佛法佛菩薩塔高十三層，辟支塔應十一層，阿羅漢四層，餘隨品級減之。此八種塔並有靈燈。佛塔八重，菩薩七重，辟支六重，四果五重，三果四重，二果三重，初果二重，輪王一重。凡僧但焦葉火珠而已。後世建塔，不原佛制，聖凡相濫，訛謬至多。

虞仲

太伯逃荆蠻自號句吳從歸百餘家立為吳太伯太伯卒無子仲雍立是為仲雍傳三世至周章武王克殷大封同姓封周章于吳封其弟虞仲於周之北故夏墟列為流侯是為虞司馬貞曰夏墟在河東太陽縣據志書平陸即古太陽縣至唐開元始更名其廟為太伯明矣或者謂太伯以次而傳至周章是為南之吳虞仲始受周風於夏墟是為北之虞然則虞祖虞仲曷以廟太伯哉曰不然武王大封同姓周公于魯召公于燕叔鮮于管叔度于蔡及神明之後封止一國一祖而受二封者惟于太伯見也武王之意以荆蠻吳夷其禮鄙俚不足事太伯而報其德再封于虞得處先聖王之舊邦且適中畿之地得用中國之典禮其於太伯之德庶幾乎報矣

明初夏縣王翰平陸縣太伯廟記

姒女祠

平定州東九十里承天鎮俗傳妬女介之推妹也舊經云介山氏之廟
唐武后幸河東道出祠下懼致風雨欲開道以避之狄仁傑曰一人行
幸風怕清塵雨師洒道何妬女之避遂止其役駐蹕祠下風停雨息

孟母故宅

榆次縣古城西南隅蓋孟子鄒人其母并人也其地有三徙鄉

蘭交

榆次縣東南四十里相傳蘭相如所居故里當秋深地無霜五穀登行
人異之

姜女手跡

曲沃縣西南三十里侯馬鎮南河西堰中世傳姜女托堰哭夫手印于
堰至今土雖屢傾遺蹟猶存

殘苦廟

介之推從重耳出亡追者甚急之推以其子林代死重耳入晉之推妻及林妻尋推聞焚死于綿山俱投井死鄉人即其地立廟祀之曰殘苦廟在曲沃西關外

瓜子纏

翼城縣東南五十里北陽阪下曰瓜子纏相傳老子食瓜處子落瓜成石瓜子其形宛然

大禹廟

龍門大禹廟俗傳食豕肉詣廟必風壁畫精工與岐山周公廟壁畫並稱

秦伯廟

平陸縣秦伯廟

南岳廟

衡州南岳廟古松百餘株銅香鼎甚巨不可圍抱銅鐘重九千斤有大祭則鐘聲先振

御題祠山廟

廣德州北五里橫山張真君廟 明初高皇帝南征過之題曰天下英靈第一山白雲為關石為關將軍幸得來瞻此暫解干戈動笑顏

江神廟

湖廣魚鎮江神廟有神木江夏賀相國逢聖歸楚木出於江蒼古挺拔鎖以鐵索

白起廟

武安縣西關白起廟正統間縣丞李昇以起殺降挾詐遂毀其廟

長平驛

山西高平縣古長平也耕人嘗得遺鏃如綠玉長平驛即元平章實魯

宅堂三楹梁柱俱桑木甚巨賈氏裔猶存

煖鋪

都御史葉成巡撫宣府於沿邊孔道設煖鋪即唐人邊鋪也

鉄柱

雲南大理府趙州東南九十里白崖城蒙氏建極十三年四月鑄鉄柱名曰建極又鑄笠覆於頂土人號天尊柱歲貼金其上祭之邀福

真言書院

去陳州百里曰互鄉介項城上蔡間今更曰潔己鄉立真言書院

冰廠

蘇州冰廠十有六清人始至問廠何為曰藏冰者謂伏兵也焚其五始

悟

魚骨橋

海門縣禮安鄉以大魚骨作橋長丈八尺有奇元至正中潰入江萬歷
戊戌隨沙漲起呂四場民獲之廖令 移建儒學前色黝黑有鉄釘痕
毫無朽蠹 揚州府志

廣濟橋

湖州廣濟橋宣德間知府王源建歲推稅萬餘金

皇過此橋

崇德縣皇過此橋以宋高宗南渡過此故名見縣志萬歷橋北沈望雲
伐竹得磚葬石刻宋宣宗姑墓駙馬黃氏鹽官人始知為皇姑子橋

倒流橋

當陽縣北漳水上倒流橋相傳曹拯追劉先主張飛據橋大呼水為逆
流魏人不敢迫 承天府志

萬安橋

泉州萬安橋俗呼洛陽橋長三百六十丈萬曆丹陽姜志禮守泉州
修萬安橋得石刻曰同節來修即公號也又薊縣蔡錫永樂癸卯鄉試
入胄監仁廟以學行授兵科給事中出守泉州欲修萬安橋發石刊曰
石頭若開蔡公再來傲海神遣醉卒自投於海若有神擘之者俄易書
一醋字必八月二十一日酉時也事載錫家傳中今廟像皂服行人過
焚草履一鞠

福州臺江大橋長百餘丈

仙橋

雲南白崖川獨木橋十餘所木大如指長三尺或五六尺巖險不敢着
足樵人捷足過之亦不損折其木非常見之材每望夜一易不知其因
明日但見新製曰仙橋

楹帖

直也如弦縱道夫復何憾比而得獸雖邱陵亦奚以為顧清

靜亦靜動亦靜五臟克消夫慾火榮亦忍平生不復於危機

徒有寸丹於帝闕竟無尺素達權門崔鵬

堂上雙親壽朝中一品家嚴訥

無毀無譽三代直道而行知止知足四時成功者退中時行

財不求贏教為子孫益過位嘗渝分當思齒角難衰陸光祚

節義重邱山始不渝終不渝功名赴流水寵不驚辱不驚嘉靖三十二年

沈丘教諭山陰符鵬

世多君子扶皇極天放閑人養太和舜仲

偶爾謝上天富貴歸來作平地神仙中丞王璣

頭上青天一點浮雲淨盡庭前白日五更夜氣流行訓導楊傳芳子起

天無私地無私日月無私風不出雨不出寒暑不出沈思孝

得嘗自笑無音使誰知命以讚

凡事再思斯可矣與人三反何難焉都諫武安宋之韓

洋水樂餓讀天下書不談天下之事康莊擊壤生聖人世頗為聖人之
氓未鴻謨

出入起居得罪天地時十常八九子臣弟友可對聖賢處百無二三
先生寓梅日來

見故人而一笑自有餘懽念平生之百為亦無可恨李庭機

居深山之中隨俗所使生聖明之世與天者游舜元標

少作書生未見升堂入室老為廟祝粗知掃地焚香李賈

尊其氣以剛大尊所聞而高明李騰芳

試看階前皆樹玉莫嫌腰下未橫金

天上圖書分冊府雲中鷄犬半仙家王思任

誤攻文字身空老起敗魚鹽計已進陳元素

人前屋漏日裡鷄鳴

每思於物有濟恒愧為人所容陳龍正

自拋官後睡常足不讀書來老更閑祝以孫

質在能還雅菴成可讀書先存一府君

鐵牛碑

濟南府儒學內有碑高三尺刻曰鐵牛碑旁地露鐵錐不五寸就側
四掘終如故或曰鐵牛鎮七十二泉者

宋文貞公碑

沙河縣宋文貞公環碑斷沒土中正德丁丑縣令方思道治鐵二百斤
貫而續之今存不甚剝蝕

毛文龍碑

平遼總兵官左軍都督同知毛公功德碑天啟四年七月朝鮮立誓忠
賢設立紀明倫靖社功臣輔國榮祿大夫兼議政府左贊成判義禁府
知書筵春秋館成均館事弘文館大提舉藝文館大提舉金饗漢通政
大夫行曹叅議李瀟書宗政大夫行兵曹判書兼同知成均館事金尚
容篆嘉議大夫平安道觀察使兼兵馬水軍節度使平壤府尹巡察司
李尚奇立石 文文不載 銘曰噫噫往歲羯虜造 聳我清邊鯨吞豕突
急莫之過崇壘土無堅全遼右壤猶薶搶攘厥墟殫公時憤切忠膽激
烈齧牙張拳獨立一叫揭義為號趨者爭先曷投曷倚俾賊顧忌以掣
以宰謂我共濟克協大計鬪首東偏獲醜復鎮軍聲始振天討行焉出
入遼瀋形格勢禁罔或恣前恟疑縮頸不敢西逞關防賴全瞻彼板島
洪濤森濙處得其便洋津妥帖履坦不路就禿如天激以忠義其歸如
市累累連連曰公父母開口望哺餘喘其綿匪公是任吾其左衽長城

屹然得人死力功章寵錫褒詔頻宣神旗豹尾以隆閭寄節制其專大業未了驟見其效四海望延吾言不失有特史筆有貞凌煙撫實載石先最其績並其傳

興安縣岑山右魚峰之仙岩寺有創修木碑係天順七年其聲樸樸如古琴其文斑剝斷連亦如古銅琴文錢塘黃汝亨貞父云目中所未見

定霸城

保定有定霸城宋楊延朗所築金時以其磚他用獨其土存嘉靖中霖雨潰其西北得人骨數十具植立土中齧體各戴兜鍪旁侍兵仗石刻云活築惰工百戶徐瑾一行兵役見者竦然

長安客話

軒轅陵

平陽太平縣東三十里上魯村東汾河內有石棺以鐵束之隱現不同世傳以為軒轅棺云

顓頊塚

晉初烏程得顓頊塚又衡山崩見顓頊塚中有營邱圖九首鳩杖見顓
真卿石柱記 濮州東北相傳顓頊建都於此有帝塚故名

縣墓

郟城縣東北七十里羽山即殤縣處有墓

禹陵

會稽城南數里禹陵窆石高可六尺形如權堅栗青色而澤有白脈隱
起甚細如絲絡偶撼之則動而不可拔也今戊子夏毀於盜三千年神
蹟頓失其重聞者惋惜

唐堯土階

唐堯土階故里在臨汾縣城南十里帝姓伊祁氏故里名伊村村築土
堡宛然茅茨土階之蹟唐堯氏陵在臨汾縣城東七十里部行里俗謂

之神林又謂之神陵高百五十尺廣二百餘步旁皆山石惟此地為平
土深丈餘山後有河一道俗呼陶唐飲馬泉有金泰和二年碑記相傳
唐太宗征遼曾駐蹕此山因謁堯陵遂塑己像明嘉靖間知縣趙統重
修陵東原祀丹朱西祀唐太宗統撒太宗像每歲祭丹朱祠官升堯諸
臣之上竊嘗攷舜巡狩于湘其陵在九疑禹會諸侯於塗山其陵在會
稽惟堯之巡狩不見經傳此陵為堯陵相傳自古無疑也然明初詔下
訪歷代帝王陵墓山東東平州有以堯陵聞者至今載之祀典而在臨
汾反遺何也豈昔之搜訪未至耶抑詔下之日而臨汾尚屬無耶

堯都平陽

堯年十五封唐侯二十登帝位壽百十有八歲 帝王世紀云堯葬濟
陽城陽西北是為穀林呂氏春秋曰堯葬穀林皇甫謐曰穀林即城陽
堯都平陽于詩為唐國由此觀之城陽即今之平陽也濟水出王屋山

在平陽東南今之城陽音尚屬平陽郡雖去平陽郡百餘里而臨汾東
亢村所出有澗泉至今相傳通濟源茲言夫豈無據况濟多穴地伏流
千載而上陵谷代遷焉知堯之時臨汾非源即今堯陵在臨汾東南視
王屋山實合古之城陽西北古曰穀林而今堯陵俗名為神林尤一驗
也後人乃謂山東東平州濟水在焉而遂以堯陵名何耶

關龍逢塚

安邑東北三里有雙丘相傳夏大夫關龍逢塚土人云關雲長其後裔
云

齊桓公墓

崇德蔡新令臨晉縣夢賈人緋服傳騎而至揖曰公行去邑當以東壁
遺金贈公晨起解舍東廡圮坎其地增磁中空如下天狀掘石版曰齊
桓公墓規制深廣石室若王者之居屍色如生器具皆黃金旁金山銀

山各一墓取其山燈缸將滅為添油加菜不三月罷官崇德縣志按史記桓公屍蟲出於戶安得云屍色如生也其厚葬或有之

衛靈公墓

相傳衛輝府治後衛靈公墓古有紫金碑雷轟之又觀城縣東南四十里高宛縣東北二十五里亦有墓

雙娥堆

蘇州承天寺門外雙娥堆為吳王夫差愛姬從孫武子學兵法為隊長笑而見殺此其墓也東北小池衡不過二丈長不過五丈乃錦帆涇故水偽吳張士誠所浴

李牧墓

平陽大平縣西五里孝子村趙將李牧墓其子李榮廬于墓側稱子墓

陳仲子墓

長清於陵仲子墓張令文龍命徹孔廟太羹一盂及棗栗享之長清縣志

介林墓

介之推子林墓曲沃縣南三里河底村

王翦墓

王翦墓富平東四十里每六月朔望墓若海市狀城都依然車馬交錯
關中冢墓記

鄭玄墓

臨晉縣三十里至今荆棘不生狐狸不穴

青塚

荊門州青塚土人哀昭君招魂而葬因名實在大同城西北五百里古
豐州灘西六十里

孫嵩墓

安邱縣南四十里孫高墓元人于欽作齊乘寓宿太虛宮夢趙先生入謁曰聞君修齊志僕有良友葬安邱其人節義高天下今世所無也請載之以勵良俗欽覺而語梅仲昇以為鄉人趙伯善共訪之伯善愕然及聞趙岐傳始悟為孫賓石也齊乘

嚴子陵墓

尉氏縣東二十里蔡堡有嚴子陵墓

司馬遷墓

韓城縣南二十里芝水之南西麓有漢太史令司馬子長之墓墓有古柏墓土嘗開土人柏根懸其棺因磚封焉子長自敘云五世皆葬高門今去芝水數里又西北五里姚莊村有蘇武墓墓柏俱南向

高陵

蘇州盤門外三里武烈皇帝所葬孫堅曰高陵妻吳夫人子長沙桓王

策皆附焉元至正二十三年崑山盧熊公武與同郡沈徵君伯熙父訪徵君因言予向曾過此聞父老言地屬沙湖金氏墓上有木如蚪龍然每陰雨若見物操舟蕩漾之狀人或逐之不見尋伐樹掘地得金船長二尺許其怪遂息

黃耳塚

松江府沿南七里普益尼寺有晉陸機黃耳塚機入洛有快犬為傳家問後死人義之埋此今殿西北隅有土隆起古木盤復即其處也 明袁海叟詩麥養有恩終不背交遊何事獨相欺

郭璞墓

唐乾符間衛州刺史李穀置塔龍山得二石長六尺許取置文會閣前宋淳化間即守慎知禮移植於此積土為峰歲久遂訛傳為郭璞墓有傳璞言五百年後太守為吾守墓紹聖中即守孫貢知非璞墓發之得

二石移置堂中宣和卽守高至臨復移歸故處相傳峨眉山正對府治不利於郡故置此石以壓之因培土為峯而名以小峨眉眉云田蕪橋傳

太康瓦券

萬曆元年會稽倪光簡塚地中掘得杯及瓦券券曰大男楊紹從土中公買塚地一邱東極關澤西極黃滕南極山背北極於湖直錢四百萬卽日交畢日月為証四時為伍太康元年九月廿六日對共破剪民有私約如律令玉茗堂集按今葬例買土立券古人已然矣

張賓墓

內邱縣南十三里趙張賓墓周圍皆鐵高三丈餘廣十餘畝石勒厚葬以報賓也

李太白墓

當塗李太白墓有祠葺如筆竹葉皆有金星

寶峯寺古墓

弘治癸丑春泰和羅鶴子應請書城南寶峯寺見司禮少監胡善治掘墳寺後山得古墓有墓志僅元和四年數字明白棺柳俱無惟脛骨尚存其長過今人十三古人多長大者後世氣薄故生物短小

南漢劉氏塚

廣州城東北亭洲有土穴耕人梁臺過之投石空空作聲乃紉以雄鷄夜鳴知無恙於是發之數金人各重十五六斤正處金像二冕坐若帝后各五六十斤地若金蚕珠貝菜之鏡一光照白日硯一硯池玉魚游動他珍異亡筭先攜鏡歸光動隣舍急碎之鄰人覺而爭往遂開官盡搜盡之內棺掘毀稍存骨齒墓碑隱隱可讀南漢劉氏塚也

陳子壯集

瀧陵阡

吉安永豐縣有瀧陵阡即歐陽公葬祖父處國朝間忽失處落廣信永豐縣人怪之後又還吉安永豐縣時有謠曰吉永豐移廣永豐永豐二字適相同人民城郭依然是只少當年六一公

蘇文忠墓

知縣蘇文忠文定二公墓文忠卒常州嘗愛卿之山移葬此後文定卒亦葬焉明萬曆甲申有盜發之緣令濟南張篤行加封樹焉去墓半里有廢塚石半露按之則文忠之曾孫婦亦掩之俄夢文忠遺青衣致謝問文忠公何在曰臨汝至彼可相見也後篤行以事至臨汝會得先生墨蹟一卷大异之恍悟前夢石識其事知縣志

蘇穎濱先生子蓮守婺州愛其山水因家焉葬穎濱衣冠於蘭溪之靈洞山蓮子簡侍郎簡子林今其家藏穎濱遺墨及四代告身

琴操塚

臨安縣玲瓏山琴操塚殘碣東坡居士書萬曆十七年被發

方臘祖塋

嚴州響山前為獅象石方臘祖塋處後毀其石

鐵棺

秦興縣南華嚴寺有鐵棺長九尺二寸前後狹相傳宋建炎間薛慶嘗遺其徒撼之中有物相觸鏗然聲以鐵椎擊數百不損鼓鑿落之不液乃止揚州府志

劉刺史墓

義烏縣南東平山有宋平昌刺史劉公墓隆慶戊辰長至日裔孫尚恭重修墓碑掘數尺見墳臺臺上有碑方尺許刻晦翁卜墓數云天聖戊辰葬此邱蔭十八紀出公侯子子孫孫垂不替繩繩武武永無休五百四十年損十六七歲裔孫修戊辰戊辰新一石重修重修千百秋秘

書郎朱熹書刊石呂祖儉為之記記難具載其要云右數八句為卜劉公之墓天聖六年十月三日卜葬東平山先塋之原公諱蒙字有開裔出漢光武封太孫於烏傷國除因家縣治南遂為烏傷人逮晉宣公萬章始為王官唐曰珊者翰林學士南門劉氏非他族比公以文學選平昌刺史致仕曾孫燁燁同登乾道進士第游東萊晦菴二先生門故晦菴卜其祖墓之落有裔行家昌千載之久乎因識大略而納墳臺上以俟後日之驗云按天聖戊辰至隆慶戊辰年數良是而長至又恰戊辰仍孫劉公仕龍在宋贈武節侯修墓孫果十六七歲吁數亦奇矣

我烏縣志

黃元菴墓

山東陽穀縣景德鎮有黃元菴墓其墓靈异土人患瘡者插花於墓祭之即愈

中河志

蕉花女墓

長清蕉花女塚女最孝母疾思參時未登女向參泣移時參黃奉母得
愈今塚旁麥先稔田畔有御製碑上書孝經長清縣志

張王墓

福建興化縣丁溪草堰間有張王墓相傳張士誠父沿海氏竄咸以正
月望前聚禱因而彼此搆鬪勝則一年大利即至死傷毋許告訐近有
司嚴禁之稍戢

孫一元墓

孫大初墓上有挂瓢堂墓李夢陽撰劉麟書

鄭曉墓

海鹽鄭尚書墓在白藤山先是尚書執法削籍其葬從庶人禮隆慶初
復官贈諡終不改其舊予嘗拜墓下歎先輩素風也

仰灣古墓

壬辰春海鹽邵灣山祝氏宅復有積土坎之得古墓各碑刻曰永安六年歲在癸未九月十日造辟日造五官郎中山義尉丹陽楊 磚面俱有雲雷紋穴頗深廣左右有羨門予往訪之始儼古製

虛糧塚

新野縣東三里近衛河邊亂塚相連數十傳聞前代屯兵之所曰虛糧

鹽官談遷瑞木著

器用

研

王官谷西山有秦王研研大如碾盤無口下如尖底磴春秋秦敗晉師於王山谷時所遺者

司馬圖記見呂東野涇野集

潁州東六十里古夷陵也舊志古列國之君印壘上傳夷陵縣掘地得磚作研堅潤

潁州志

俞侍郎士吉奏使得研上篆永樂二年旁書海東瀆磻說俗

古鐘磬

太原交城縣西南汾水上金大定中汾東山岸崩得古墓有鼎十餘鐘磬各數十鼎大者幾三尺凡十有二其中實物猶存鐘小者僅五寸許

大至三尺凡十有二蓋音律之次後世之制以厚薄而此以大小其制皆周器非秦漢以後所作今器不存而墓址猶在

琴

高陵魏氏唐鄭公之後藏有遺琴後訟失之

呂涇野集

禮科公署有書室琴懸壁間係舊物李樂見聞雜記

正統末籍太監王振玉琴長三尺餘

四明沈嘉則豐對樓詩集云吳仲足攜族子德望所藏銅琴示我為賦
銅琴篇 九字蓋予平生耳目所未觀也

青銅合體黃金相軫以白玉排雁行線彈蜀薄啼鳳凰誰其作者古帝王按圖攷識題大唐璽文雙象鳴玉方立宗協律精宮商豈當在御樂且康伊昔抱玉置我牀青天拂匝開錦囊白日倏忽相依昂背翠焰燦琉璃光丹砂點漆流星芒纖指觸絃響嗶嗶蒼梧飛雲顏不揚見者黯

黯頰而長延陵考國推太章喬孫寶秘什襲藏明珠大貝俱尋常荒墟
對蹟經千霜鬼神呵護不敢傷天地不得闕厥良復使人世窺虞唐我
欲薦之登明堂九原誰再起師襄變孔同室國祚昌皇帝萬歲永無疆

仙針

蒼梧縣人梁大用遇异人授以鐵針三枚并針灸書遂為名醫永樂中
郡守羅觀訪其子孫得一針以進於朝

鐵塔鐵鑊

當陽縣玉泉寺鐵塔鐵鑊俱隋物 青州城內 寺三鑊大者受四
十石次受三十石有金受八石似甕而有耳寺原孟嘗君宅

金斧

臨潼縣南一里驪山綿亘而東五十里東有金斧山石罅中有金斧抵
之則動取之不出

石杯

三九

青田縣五色石杯巧工琢造歲應上官不啻千百民甚苦之古人拔茶樹桑以茶且累民况石杯於器無益有一製必貽一官在司牧者念之耳

鐘

大名府譙樓鐘云魏太武物守潔則聲宏否則咽滯前守惡之棄置通衢且半裂樂護蒞任適旱祭而懸之扣之不揚橫不懌夢大眾歸於鐘所乃再扣之聲宏裂處尋平

正統中河決滎陽東呂水中大鐘二范縣令鄭鐸得其一款識永安四年

曹縣城門四各有鐘相傳鐘懸則大水遂寘之崇禎戊辰四月盧令柱礎不聽盡懸之果大水乃徹

曹縣志

歐陽修歸田錄太常所用王朴編鐘皆不圓而側垂後胡瑗改鑄編鐘遂圓其形而下垂扣之掩鬱而不揚今見南京神樂觀編鐘形不其圓鼓

鄞縣東鄉金尚書忠故居石鼓二萬曆乙卯石中如蟲齧聲翻視之石多蝕搜得石蟹一螯足尚動觀者異之

成化初韓襄毅南征大藤峽賊斬峽之大藤中空鞞革為鼓置參府前聲甚震立使某移於行臺扣之無聲歸即如故

圓花鈔

崇禎元年四月湖廣通山縣三都水衝出古銅鐘重十八斤周製也有圓花鈔三字聲極清遠

唐鏡

唐鏡背有字云花發無冬夏臨臺晚夜明見鄭以偉山上山稿

辟塵鑪

錢塘縣西山龍井寺辟塵石鑪不知所自來近失去

張三丰食器

張三丰嘗居潁州迎祥觀遺像一食器一容斗許暑貯肉不腐混元衣
一久而如新好事者易其領輒敗冠一負古有摩雲態潁州志

天啟改元

魏元法僧 蕭莊南詔晟豐祐先已用之又太和舊志元至正戊戌紅
巾徐壽輝陳友諒陷江西下吉安泰和稱天啟則天啟之號前代已四
見矣

銅法馬

萬曆間泰和人掘地得法馬形如月鑿十字重四斤天啟三年造背鑄
吉安路郭尚書子章致梁玉琳立永嘉王蕭莊稱帝改元時不稱吉安

亦不稱路路自元始豈天啟間造法馬至元始續刻吉安路耶

貢金

楊井菴滇略曰語云金生麗水今麗江其地也其江曰金沙源出吐蕃
經鐵橋寶山永寧北勝以達東川江澗沙泛金楚雜之貧民淘而鍛焉
日僅分文售蜀賈轉諸四方其稅屬之土府漢不得有也朝廷歲貢滇
賦金五千其直可四分婚皆蜀賈有力者先期受直於官而走四遠哀
入之間有逃且死者累及姻族桁楊繫繫至於黔坐瘴橋十死一生又
不具論也

雲南銀礦共六十有三置場委官歲納二萬緡然勝有盛衰課隨盈縮

窖金

薊州獨樂寺額相傳李太白書萬曆間重修得窖金上覆以錢石刻唐
安祿山物並入官

銅冶

海內銅山四百六十唐鑄於陝宣衢信銅冶九十六宋鑄於諸路銅冶百三十有六歲課至五百四十九萬貫韶州永通一監歲造八千萬貫

紫石英

諸暨縣東五十里烏帶山產紫石英嘉靖中縣令黎考命父老凡上官來取者皆引至他所使無得因呈曰合浦之珠以吏貪而徙暨產石英乃自本職到任數採無得此不職之效也採者以息久之遂迷其處紹興府志

鐵獅

滄州鐵獅周世宗北征契丹駐此地有罪人善冶輸金鑄獅鎮城贖罪高一丈七尺長一丈六尺夜被州人捶去尾腹鐵至今缺之

銅獅

雲南都司公署前大銅獅二極瑩淨無點斑

關將軍印

景泰中安州二田夫得古金印曰壽亭侯印知州楊集上於朝南宮集

弘治間都憲河間張汝器開漕河於揚州得古印四一壽亭侯印

一鎮江府御前住劄都統制印一鄂州苑內觀察使印一都巡檢使之

印皆蟠螭紐制作古雅程篁墩政過淮陰汝器質之曰韓世忠嘗為

鎮江府御前住劄都統制岳飛嘗為苑內觀察使都巡檢使亦宋官

萬曆末烏程沈相國准得漢壽亭侯玉印印中空可貫紐下刻關羽之

印玉質蒼古捨西湖孤山廟中嘗見之

宋徽宗崇寧五年倣秦璽蟲魚篆作壘方四寸有奇蟠螭方壘上員下

方名鎮國寶

天啟四年九月四日磁州東八里臨漳縣務本村漳河北岸田夫邢某

見岸崩得玉璽以呈河北道張夢鯨重百二十兩方各四寸面一寸二分蟠紐高一寸八分篆受命于天既壽永昌是璽與至元所獻不同豈徽宗十四璽之一乎又熊翀所獻陝西璽亦同

木牛

成化二十一年戶部左侍郎隆慶李行總督陝西邊備兼理荒政發廩賑饑作木牛取牛耕之耒耜易製為五曰坐犂曰推犂曰擡犂一抗活曰肩犂可山耕可水耕可陸耕或用二人多則三人多者自舉少者自合一日可耕三四畝作木牛圖布之

道卯

永樂間應州掘地得金城縣印應州本漢館陰縣後改名金城縣今儒學舊縣治也

天順七年

得行軍萬戶之印

成化六年顯陽縣得宣差副總兵之印尚書戶部印中之印背鐫天興六年行宮禮部造

弘治十六年河南府得銅印三百於壞垣俱元物詔毀之

正德末銅城府得勒金長官司印篆文八畫

嘉靖二十年廣平府推官王堯日督民於清河縣浚城濠得古印六篆可識者二曰都將領印曰達魯花赤之印上之巡撫藏於庫

隆慶三年六月豐潤縣掘得玉田縣稅課使印

萬曆二十八年隆慶州永寧縣人築牆得古印為金左丞完顏綱物綱與元人戰於縉山敗績失之見金史

崇禎甲戌南昌得統軍元帥之印謂太祖物推官李嗣宗以太祖初稱統軍石副元帥見皇明通紀非也予按龍鳳年丙申三月我克集慶徐達湯和為統軍元帥二公並至南昌必其所遺

戊寅三月十四日滋陽縣浚井得管軍萬戶府銅印旁鐫中書禮部造
龍鳳五年六月又薊州得古印

己卯十一月甲戌固安縣發井得鎮遠軍節度使銅印背刻宣和四年
十一月少府監鑄

藤船

南夷船俱縛以藤用松膠和漆塗之永安州歲辦松膠若干

張岳交事
起聞

空青

空青是黃石子大如拳諦視之膚裡沉沉有青色匠氏以金剛錐錐之
滴翠水如漿平湖沈長水太史見之

荒銀

南夷中多用荒銀

琥珀

萬曆甲午詔雲南布政司取琥珀二百斤一時騷然永昌府帑舊貯二十餘斤以上供搜括數年竟不能充而止民破家亡箝

祖母緣

孕婦吞祖母緣易產仍出自兒手山陰白洋朱氏驗之

青鳳子

青鳳子狀如鶯石色甚青瑩婦人佩之能令好顏色新安楊不棄得之水濱中易以千金內為禁中寶重

蓬萊閣石鏡

登州蓬萊閣石鏡遇形畢照崇禎壬申孔有德兵亂經火稍晦近聞復明

緬鈴

緬鈴相傳鵬精也鵬性淫毒一出諸牝悉避去遇蠻婦輒啄而來合土

人東草衣絳衣昏花其上鵬翮之不置精溢水上採之裹以重金大僅
如豆嵌之於勢以御婦人得氣愈勁然夷不外售夷取之始得湏人偽
者以作燕燕形裹而搖之亦躍但彼不搖自鳴耳湏程記

叢林雜俎 中集

榮植

古木

通都交區巨材連抱匠石積斲其下十不壽一谿谷味深龍坻是阨木雖專其年民無得而稱焉亦未始幸也今採之往牒據其見存者或病以漏萬固所不免矣

北京

京師皇城內西苑之高立殿古檜一松四並金時植嘉靖中封松指揮使其俸米專飯孤貧

皇城西顯靈宮之靈官祠古柏二雷披一枝折而不殊二百年忽忽焉國子監古松並元許衡植

鹽官談邊孺木著

京師外城天壇扣榆錢凡榆春錢天壇榆之錢以秋

山川壇偃松以風拔橫枝距地不三尺楷以木人通行其下

內城成國公朱氏園石堂古槐云四五百年物身大於屋半間頂嵯峨
若山

極樂寺剔牙松數株斑剝若鱗大可七八圍

萬壽寺松高數丈大合抱

外城大慈仁寺報國寺姓松二其右尤奇幹數尺枝橫數丈

外城左安門外韋公寺西府海棠二樹高二尋游人最盛寺南觀音閣
巖婆一枝高五六丈花時鮮冶

京城西北十里靈通觀古柏一徑大十圍

京城外二十里承恩寺戒壇松二古穆天橋過報國寺

大功德寺古木數十章半朽腐大可七八圍

石經山石壁古柏一長尺有咫根無寸土萬歷初上邇之御書靈根古柏

盧師山清涼寺隋仁壽中盧師自江南來居崖下崖上一柏產石面長尺不相禁是盧手植

西山妙高峯下法雲寺銀杏二大數十圍

香山鮑家寺有松十株皆數百圍

壽安山卧佛寺古娑羅樹二根盡出纍纍露筋石抱三人有餘
仰山隆恩寺松一

潭柘山京城西北八十里潭柘寺諺曰先有潭柘後有幽州則潭柘最古矣今枯柘長不能丈其枝晚發後凋者也柘枯而不朽

昌平州天壽山古柏相傳實禹鈞家物樹中可布三四席今稱實家槐按禹鈞周之諫議大夫也故居在薊州城東而此槐係之實氏莊或

其餘齋耶

薊州西北盤山東崖古松一

平谷城東延祥觀柏不知所自始元至正丁亥真人丘長春至盤山過觀中見枯柏曰憐惜憐惜去後柏仍葉茂至今焉觀東北十五里漁子山世傳軒轅氏陵或曰軒轅臺

房山縣北馬鞍山松二其枝覆十餘丈

涿州西南十五里樓桑村漢昭烈帝故居道右大桑高十丈曾蔭如樓其蔭百畝其椹為珍饈秦側古廟唐乾寧五年立並列關羽張飛像先主王者服張飛亦涿人城西五里有張氏洗馬潭樓桑村南三里觀亭觀道元故居也

靈椿寺椿其影每日中天雖日月東西略不移動
文安縣城東靈集寺後古檜並峙云漢人所植

保定縣柏塘有古柏數圍倒植河中如橋旅渡迄今名柏木橋
任邱縣北三十五里莫州城又東北三里偏鵲墓有古樹數株

宣津縣北三十里曹氏莊藥王廟前大麻子樹不知植於何時嘉靖七
年居民伐樹掘地下得石刻云迤南大麻子下斬廉剛剛廉頗子也樹
自戰國時已有之矣

行唐縣西北三十五里柏山古柏大數十圍柏上鐵環相傳竇建德椽
以繫馬者

鷄澤縣儒學一槐有兩枝末合為一幹或以為連理

清河縣龍王廟左右古槐枝幹曲卷下垂至地若龍爪狀人謂之龍爪
樹宋太祖嘗避暑其下解衣覆上其性遠下生有惡少輩利其財而伐
之斧斤方加而疾作遂止傷痕赤津津淋復漸生根葉繼生成樹無復
龍形矣今堂與樹尚存

開州

古桑園可十丈云三代物

陽和衛有武宗手植桃

遼東廣寧衛醫巫閼山有北鎮廟柏甚古

萬全都指揮使司龍門衛城西十里大松山有古松永樂中駐蹕其下

南京

皇城西華門外舊丞相府有五穀樹一株兼五種為五穀豐歉之徵其
年麥熟則樹發麥芽黍熟則生黍葉五穀皆然

魏國公徐氏西園括子松元時物

永慶寺即鐵塔寺古梅唐時物

鍾山西徐達墓有松一旁結大毬如瓜最奇絕

石灰山百濟寺法堂前有奇樹

弘濟寺府東北四十五里娑羅樹二永樂中太監鄭和攜自海外

牛首山弘覺寺文杏一唐懶融大師手植園可二丈經火猶活山東北
鄭太監墓紅苴樹

祈澤山祈澤寺攝山棲霞寺各文杏二六朝時物俱數人合抱

溧水縣東南三十三里仙杏山其巔有杏林及仙人跡

句容縣茅山有許旌陽手植檜

蕪州閭門外三里半塘寺銀杏大五抱新安潘之恒曰龍樹

陽山晉柏一幹如龍鱗大四圍

光福山山茶一圍可六尺

銅井山顧氏園寶珠山茶一可合抱 司徒廟古柏二又 文杏

其一圍三人

洞庭山角菴山茶一蔭蔽餘四季秀發云角里先生手植又黃家堡古

桂

常熟縣虞山致道觀七星檜梁天監中張道裕道陵十二代孫手植今存其三其雷風劈者尤詭異餘皆後人補植

華亭縣北二十五里佘山五代朱承進墓有垂絲柏一株甚巨

華亭縣北禪寺宋時回先生過之手植樟於雲堂去後數年樟瘁回復造焉問樟公何在取瓢中藥丸一瘞根下樟復榮葉俱顯敷痕始悟呂仙也

亭林鎮縣東南三十五里陳侍郎顧野王故居墨池旁古松云野王手植

鍾賈山壽安寺陳氏墓垂絲檜二徑餘四尺崇鬱壯茂蓋數百年物

上海縣西北十里靜安寺陳朝植雙檜於殿前宋政和間媚臣朱勳圖以進徽宗欲攜之暴風雷忽碎其一今殿右尚存元成廷珪詩香骨自來生左紐苦心未忍棄前朝

明心寺縣西南六十里古檜二宋元豐間植

江陰縣西三十里申浦季扎墓有巨樹三人合抱產果曰鷄距子以形似名也止此一本又揚州寺一本餘天下所無

宜興縣保安寺垂柏連數抱而中剖

玉女潭縣南三十五里古樺一株根柯鬱蟠礧礧如石唐獨孤及詩日

日思瓊指此

善卷寺縣西南五十里古檜蕭梁物

鎮江府城西南七里招隱山招隱寺銀杏樹圍五人云齊梁物

丹陽東北三十五里經山寺銀杏圍七人相傳晉時植半枯半堅遺子所生小株從中挺出亦已盈斗

揚州府城隍廟銀杏一當門圍四尺

興化縣木塔寺黃梅初治殿賈人以木筏載梅植殿旁胡僧坐其下忽

不見殿前梅日盛偶一占年東盛則上河豐西盛則下河豐俱以俱衰亦各驗雀啄則有蟲鼠之耗

通州治西為靜海廢縣之遺址有文杏數章大可四圍

淮安海州大海中大松相傳三代時物其狀奇異

休寧縣西四十里白嶽山宜宮古松一直香爐峰又石門一植其大數圍

盩厔縣廣教寺柏黃蘗禪師所植寺有异行僧樹即開異花數色

銅陵縣五松山舊有松一本五枝蒼鱗老幹

蕪湖縣儒學柏宋宣宗時植

滁州瑯琊山城南十里歐陽文忠祠西一梅云文忠手植又瑯琊寺

批銀杏大數十圍高十丈豐山滁州城西南五里太僕寺公署雙柏大

十圍高數丈

全椒縣西北四十八里龍檜山有檜如龍形因名之
蕭縣東南六十五里天門寺有天棗花實如嚴棗可食每四月七日其
實皆熟次日遂空

山西

太原縣西北晉源神廟有古柏桑皮黛綠云千年物

代州城西四十里斷影樹漢文帝嘗迎立時猶豫不決遂日游移卧於
樹下日過樹影不移今樹已朽而其地建白楊廟即此樹也

夏縣城南二十里柏塔山古柏千株有一柏琦瑰磊獨大於眾稱曰柏
母如意里戒定寺古柏一其身五圍根盤八圍上九枝俱似龍形中
空處生一槐大兩圍枝屈曲如蛇盤旋於柏枝九龍之上

五臺縣五臺山之圓通寺去三珠泉百步有七寶珠樹高二丈許幹上
七枝復合為一垂葉四下

代州東北五十里墓側有古柏五十餘株名却都柏

趙城縣東八里媯皇陵在侯村松柏園二丈餘者百餘株媯皇廟前古

柏喬偉內一株於幹上寄生一木大如臂俗呼為時節樹柏貫四時彼
獨隨時發謝觀者奇之

猗氏縣城東北二里仁壽寺大柏四株都御史何東序徧曰萬古凌霜
猗山縣東北十五里高渠村古柏一大七圍蔭畝許有力者每欲取之
輒有龍蛇雷雨之變

蒲州東南三十里首陽山伯夷叔齊墓古柏二其一大二十圍高二丈
餘次殺三之幹上交相倚

聞喜縣儒學相傳為商桐宮地古柏十數株其大連抱其枝扶疎多癭
其葉細而稠大異凡柏

霍州東南三十里霍山中鎮神廟古松數株高數丈枝東向槎枒詭怪

如青幢鉄幹

沁水縣東九十里磁山大雲寺白松三圍二丈 明評事常倫題壁宿
此非一夕游此非一朝山僧頗解狂夫趣時儲斗酒來相招殿前長松
十圍大我欲絕粒棲雲巢此詩不見集中

大同左衛玄帝宮老榆盤鼎日蕪日茂根無所繫挺生於大鉄爐之上
相傳為神榆

汾州府治西仙槐樹久朽如剗舟金皇統中有异人出貨染投樹復活
因號仙槐

大同渾源州恒山之紫芝峪古榆數千章其最大者名雙離樹相傳張
果老所繫榆也

蔚州北三十里蜚狐口兩山分張皆北向石總無膚有青松高不數尺
產其骨

應州城南小石寺古龍松合抱平頂色極蒼翠相傳異僧手植蓋唐宋時物又城東南文殊寺有古松霜皮蒼翠枝幹如龍

嵐隸北四十里雙松山上有雙松 平定州西二十五里上有古松松下巨石盤踞數丈

靈石縣東三十五里綿山介子推與母隱此文公縱火焚之不出同母抱樹而死其樹名黃節惟此山獨有大小俱半榮半枯後人即其地立廟祀之天旱禱雨多應宋神宗封為潔惠侯近林人家清明節三日不敢舉火廟中有牡丹數本枝幹碩大不知何時所種每開時花皆紅色惟白花一朵開無定處土人密識其枝明歲即易他本人以為神不敢輕折春時花開四方觀者不遠數百里

山東

長清縣東南九十里方山靈岩寺古柏漢時物三人圍之不盡

泰安州北五里泰山御帳坪北一松奇詭元方煥題曰處士松宋真宗駐蹕亭松二秦始皇避風雨其下封五大夫者也生石隙中不甚大幹膚龍鱗是千年上物東嶽廟文杏一圍三人中空木枯枝葉蔽芾廟左漢柏五漢武帝時植四皆連理其一甚巨延禧觀唐槐一大如文杏亦中空半枯

新泰縣門內靈槐元省縣入萊蕪而枯後三十年復絲槐榮

曲阜縣西北八里孔子墓孔子手植檜在廟門北高五丈餘圍又有三尺晉懷帝元嘉三年枯歷三百九年隋恭帝義寧元年復榮歷五十二年唐高宗乾封二年又枯歷三百七十四年至宋仁宗康定元年復榮金宣宗貞祐二年兵火漸盡歷八十二年元世祖至元三年芽於東廡頽址間明洪武二年己巳凡九十二年高三丈餘圍四尺弘治己未被焚今直幹含生不朽不摧子貢手植檜高四丈五尺圍一丈今

枯株莖中樹千數皆異種相傳弟子異國人各持其方樹來種之不生
荊棘 縣東一十里防山顏子墓石楠二丈可三四十圍每冢子生樹
生一穉冢子沒樹枯一幹

鄒縣東南二十五里嶧山孤桐夏禹時物久枯萬曆戊子其左生株王
思任過之尚 其半崇禎丁丑詹鍾玉過之無存或以桐芽數十募之
縣門外孟子廟古檜三高數丈徑十餘圍枝盤曲如龍

曹縣定清寺有枯桐一僧伐之止存朽根萬曆辛卯有道人手持木尺
禮佛趺坐根上曰此樹由我而生索水噴水僧不顧也夜半道人歌曰
木有根兮根無枝人有眼兮眼無珠我來枯樹活我去人不識人不識
真可惜上天下地游北極翻身跨起雲間鶴朗吟飛過蓬萊側明旦起
失道人所在越三日發萌逾月枝葉扶疎圍大五六尺許遂成茂樹
陽穀縣西北四十里孟母廟大槐四宋元祐時植

思縣西北五十里四女祠漢厯亭傳清家富無子生女四誓終養同植
一槐今槐存不甚大或後人補植

臨淄縣西北二十里郵亭古槐十株高五尺許相傳宋太祖微時過此
嘗掛袍其上曰矮槐

黃縣東南二十里萊山寺西北有古木唐初物

棲霞縣濱都觀枯松柏相傳每百年長一枝

即墨縣東南六十里勞山上清宮文杏二凸處可隱二人

河南

鄆陵縣西十五里甘羅墓七棗環植皆合抱

延津縣 石婆東唐尉遲敬德造東嶽廟殿後酸棗樹一株合抱

高數丈歲久不榮挺並特立旁產一株甚茂云敬德繫馬掛策其上按
延津古酸棗縣也宋時改延津冢宰李戴有記

容縣東五里天寶宮白松世傳黃帝三女九歲俱辭家學道後十七年
歸省一夕同逝合葬於此明年冢上生松一株三幹幹白如雪大四十
圍高八九丈層理榮澤指丈隨起或曰民間女學道不成入仙去葬白松
下 縣東北二十里修德觀古檜殺白松十之一偃蓋左紐銅文容縣志

新鄭縣陘山鄭子產祠前古柏一疎根之上多生稚葉青青可愛

滎陽縣東七里槐一奇甚世傳漢高祖為王時繫馬於此金趙秉文詩
滎陽縣東千古槐人言曾見漢朝來不知幾覺南柯夢直到如今喚不
回

襄城縣南五里首山西巔有樹一株名金花樹俗呼滋樹大可十圍枝
葉穠蔚數十里外可望及之崇禎庚辰枯死或以此樹闕一縣之盛衰
戊子於舊根旁復生二株又縣北二十里徐君墓有樹相傳李子掛劍
處曰靈樹

林縣城隍廟銀杏樹圍二丈高七丈老幹扶疎翠葉蒙密縣西二十里
娑羅樹其蔭及畝今樹毀跡存西寶岩黃華寺古槐蔭數畝覺仁
院獅子峰其下漏天岩有异木折幹倒植野人曰交加木爭秀峰西
慈明院偃松二

磁州黃花谷內仙母塚大樹九後漢仙人王津葬母於此
輝縣西北七里蘇州山百泉書院古白楊十四株大可蔽牛殆數百年
物

縣東二里道旁連理樹兩椿同根一雄一雌下有雙塚微露其磚未知
葬者何人西北七十里侯趙川之平羅社為簡相如墓有古銀杏樹
一株

濟源縣西八十里王屋山北天門古松十數
偃師縣達磨菴三花樹以凌霄藤附檜而生六祖手植柏

方丈寺古槐高十丈圍三丈衆支彥博詩五品封槐今尚存第未知封何日也 縣西北比干墓有木大三圍中空身根半存上枝茂盛剖心之生氣猶在

登封縣北十里松山中嶽神廟門內古柏殆二百 絕頂止三丈圍六人石刻漢武帝封大將軍次圍可四人封次將軍又次可三圍俱怪偉明喬字曰意天下之木殆未有甲于木者袁宏道曰漢武至今千七百年柏在當時已受封殆殿周間耶

新安縣西二十里王喬洞洞石皆土所成具木葉之形洞上二木化石而復生枝葉與凡木類云昔仙人大丹成土木皆化為石

知縣城北十里溝古姚期莊也山上一黃棟係手植千餘年柯葉茂盛人損之輕則傷畜重則傷人

新野縣北二十里張門村黑麓廟前有古楊數株俱大數圍採青者伐

樹血出遂止跡存

華山華陰神廟門內老柏合抱無枝葉亦無膚僅枯幹二丈餘吉水李日宣勒石曰青牛老樹謂老子西來繫牛處也又北三丈許老柏空腹有烏啣槐實墜其中生槐幹且合抱而柏朽裂半存嘉靖間州守某以鉄索合槐柏束之相傳張飛立馬看槐處見於壁刻

陝西

藍屋隸終南山老子紫雲樓下繫牛柏柏下石牛卧焉又南四五里說經臺古柏一俗說樹死老子針之活

咸陽縣北十五里周公墓模木其葉春青夏赤秋白冬黑

鄠隸南八里淨土樹俗傳西域鳩摩羅什憇此覆其覆土中出此樹三月開如桃花八月結實狀如小棗殼中皆黃土

華州南少華山蒼雪嶺古松五號五將軍今四株圍數人高數丈

成縣東柯谷唐杜甫姓佐居此所居後為寺有樹稱子美樹

涇州王母廟前有古木數株不膚而滑莫知其名

空同山中峰寺北半里古松六

靈臺縣至足寺左離山唐牛僧孺別墅有銀杏連抱數圍根結二畝

鄜州北開元寺有白松奇古 明張著詩葉墮銀釵細花飛香粉乾山

門煙雨裡渾作玉龍看

安定縣南六十里神木山古樹千株樵採不敢入人以為神又縣七十

里高柏山有古柏、

中部縣北黃帝橋陵多古木

神木縣西十五里楊家城內神松二

涼州衛東三百十里松山上多古松

莊浪衛東百二十里大松山山多大松又東百里小松山

浙江

錢塘縣西山上天竺寺長生僧舍梅二並合抱西漢永興寺大綠葉梅

二

海鹽縣東北四十里洛塘故廟銀杏一圍三人唐許遠手植華而不實
枝向西北

臨安縣西五十里天目山斷崖塔院大杉一又華蓋松高七丈中峰大
師悟道處西南中峰塔院大杉一本二幹化城寺側一松根在崖下
頂高走路僅二尺許俯視如蒼蔭可三畝牧童戲其上不動觀音崖
檀樹長丈餘懸崖外歷三十年不加長下覆小觀音座僧云禱雨輒應
餘杭縣西南十八里大滌山洞霄宮大杉二相傳唐昭宗景福二年閻
丘先生以盂攜自天台者圍二丈高三十餘丈葉雖凋減枝益堅徑山
寺門古松可蔭十畝又木蘭一並奇古

於潛縣南四十里牧嶺古松盤錯奇怪有兄弟各欲訟於有司夜憇其
下質明相顧而悔各息因名木長官

昌化縣西北六十里千頃山龍湫西一婆羅樹初夏花開香聞數里

嘉興縣東三十六里圓通寺銀杏二唐時物

海鹽縣城南永祚寺銀杏二數百年矣天將雨輒出雲雨霽雲復歸又
歸安縣東 震澤普濟寺古柏數千年物能為神

長興縣東南大雄寺陳高祖故宅也梁天監中手植檜今中裂為四枝
垂蔭半庭堅如金石 鐵佛寺有六朝銀杏樹

湖州天聖寺六檜云齊梁物 再補

海鹽縣西南十八里秦駐山廟前露松一斬而復生不由栽種董叔碧
吳約存

德清縣西南天寶橋西左顧亭孔愉放魚處二大枯木可千年挺立不
朽

吉安州鳳亭鄉岳武穆將壇一椽樹大數圍吳旼祀
紹興府天衣寺有舞松一株相傳為晉人手植

高橋

有古樹一本五大幹倒卧橋側

項里

項羽所避處有廟古樹圍二人

秦望山府城東南四十里古松一

雲門山寺城南三十里盤古社木大數圍晉唐間物

曹娥江府城東南七十里曹娥廟古檜二又山茶樹千年外止如拱把

之半根奇峰折取一花者其手自懸於樹因勒石示戒

餘姚縣九里宋石將軍廟樟樹可數抱岳林寺古柏

綠

南三十里桃花嶺下有桃樹約數圍

新昌縣南南明山月峽古松唐人植

天台縣桑州驛古樟圍十人

天台山萬壽寺古松杉十二各百圍相傳

羅漢所植 羅漢嶺古捨十餘大數圍 歇脚寺牡丹二本高大許每
枝五百餘花華頂峯石琢有木瓜花時一蛇盤其上至落寶供大士乃
去號為護聖 資福寺怪松大數圍高不過四五尺枝葉翔舞於水
而舞狀類鳳根盤類龍萬曆癸巳年摧于溪水 天台山菩提樹相傳
西天梵修遺種花葉如柿結子為珠十百中必一二顆如羅漢佛頭云
他所處無也 楓樹嶺上古楓高二十餘丈大可數十圍其中空可容
數百人

永嘉縣象浦驛古樟圍十人石羊山穴中枯木狀如石羊色如黛赭
平陽縣西南昆山絕頂二古木冬夏常青
建德縣橘山相傳絕頂有羅浮橘一株熟時風墜得者云仙山橘
桐廬縣東五十里嚴陵釣臺崖上香木一株高丈餘圍三寸許歲長一寸
太監黃敬採買江浙一日欲犯之不能得

蘭谿縣

古柏 明太祖嘗駐師其下 黃諡大溪古檀一其大

合抱高十數丈歲春夏溪漲始發葉如漲後不葉必復大水

真覺寺後智者大師塔上松不下數百年偃蹇如虬龍

東陽縣南六十里淮岩山道旁有岩可容數十人旁有連理木其大百
拱

浦江縣東明山之梅花泉有老梅如龍橫踞泉上

開化縣

銀杏一巨甚其實從幹上墜處剖出云胎生銀杏

取其旁幹接他木仍實於枝

麗水縣南十里白雲山麗陽廟古樟靈根千年不榮不凋柯萌時出殿
外

雲和縣大杉嘗絙圍之合十九丈徑六丈四尺遠望百里外

江西

南昌府孚應廟古槐唐崔隱士手植 翔聖觀二松相去五尺合為一幹名為義松

西山咸通寺古娑羅樹其下毗樓三楹曰枯木樓 許旌陽手植桂

建昌縣北五里冷水觀壽松一名挂劍松相傳許避桂劍於此甚怪屈
東寶慶初知縣曹燕亭其側曰千歲靈根 縣治南壽樟初邑人李左
司公懋仕於朝宋高宗嘗問樟公安否對曰枝葉婆娑四時常青頃安
世作壽樟亭記

鉛山縣北十里鷺湖山唐義公道場手植羅漢松

九江府城南二十五里廬山白鶴觀大松徑丈餘 山西大林寺寶樹
二一如蓋一如塔蔥鬱異常

德安縣崑崙山元陽觀牡丹根枝連抱云王仙所遺

彭澤縣南陶狄二賢祠有山茶大盈抱二月三日祭時花特盛好事者

分種之竟無一活 縣南四十里仲芳湖上狄梁公廟有柏八株不實
相傳公被誣滅死貶彭澤令囚三人值除夕許還家五日就獄其喻期
者一喪母一風阻事聞天后异而釋囚囚卒男女五百人祠之柏八章
相傳因勞餘枝所生

建昌府城西南十里麻姑山斂後七星杉圍二三丈高切雲漢橫列七
株故名

撫州府城東北清遠鎮禪居東山有壽樟一幹圍三尋
清江縣署古松五

安福縣東三十里福聖院唐仙女吳彩鸞來游手植二樹曰羅漢柏歲
花 寶 縣西百里神楓形如神面目歲旱封以泥則雨

高安縣署有偃松 城西南四十五里集仙觀古柏三許真君遜手植
有丹井

洋鄉縣檀樹五畧以六十婚貨之將伐一夕生龍鱗遂拔 縣治南寶積寺羅漢松黃山谷手植

萬載隸 六里慈化寺普蒼道場也倒栽松圍可三人根皆在上枝幹下垂枯枝如鉄風霜不摧青翠欲滴

墨潭下陂有六樹同根各四五圍離立可置二席

湖廣

武昌城西黃鶴山仙棗亭多棗有一樹半榮半枯云古仙所植

漢陽城東北大別山太平興國寺有柏俗傳禹治水時所植其根盤曲直至柏泉寺井下因名今柏根尚存

襄陽城南七里磯山有晉柏其柯幹如鉄石

均州南百二十里太嶽太和山古杉大十圍者至成林 柳梅相傳真武神折梅枝寄柳樹上仰天誓曰吾道若成花開果實竟如其言今樹

存

華容縣觀音寺玉蘭樹高六丈餘遠望如玉山

荊門州靈鷲山祖師洞深數里有樹數株葉如冬青實如红柿可愛名

曰仙果觀音崖娑羅樹大二十餘尺 太陽山寺娑羅樹一 東嶽觀

銀杏二大各數抱嘉靖三十五年伐其一

巴東縣署萊公柏寇準為令時手植三株

岳州西南洞庭湖君山上崇勝寺古銀杏大可數圍腹中半焦僧云此

秦始皇火樹

衡山縣西二里靖居岩有羅漢果樹 西三十里衡山絕頂有千年松

郵縣康樂鄉神農氏陵有二杉一榮一枯大數圍高不能測根節如鐵

石乃異人所植莫敢剪伐又龍爪樟亦大數十圍

武陵縣德山寺古桂二各大十數圍

宜遠縣南六十里九疑山舜廟北煉丹觀蕭韶祀林兩峯間有松穿石
白而生枝柯拳曲如伏龍狀又沙樹十二其大七八圍次五圍縣官某
嘗銘其小者大風雷死三人

沔陽城北紫陽觀有三色檜宋徽宗嘗賜金牌曰圓通神靈老柏張來
詩亭亭古柏不知年天寶以前耆舊傳

柳州城北柳江口曹王寨山其巔有石若鼎在大石罅中歲久石合兩
耳出石外有柏樹生貫石耳中

桂東縣東五十里萬玉城內富桃李花之味甚甘而不可攜或私藏
之必失歸路

四川

四川布政司公署故漢先主遺宮柏二百本堂前古桂一圍四人花時
日掃數斛 城都城內西南江濱廟有六樹傳自隋唐高十餘丈圍約

三四尋挺直如矢無他柯幹巖上生枝葉若棕櫚狀膚龍鱗而葉鳳尾
實大於棗歲仲冬有司祭而始採諸葛武侯廟古柏圍四尺唐末漸枯
不致伐宋乾德五年丁卯五月枯柯復榮

灌縣西二十六里灌口山有古樹圍八九丈上有寄生木亦大數圍云
秦物土人稱紫柏 縣西南五十里青城山天師粟似粟而小獨房可
治風掌相傳張道陵手植七十株在上清宮牡丹高十丈歲周一甲始
花

彭縣玄妙觀柱二四時清陰覆地十餘丈西浦國監觀大楠木蔭車數
百仙人蓬君手植

羅江縣吳氏塋有柏圍數十尺中空外曲若蒼龍狀枯而復榮

蒼溪縣東南三十五里雷臺山有大柏中空可坐數人亭其側曰魁柏
劍州西八十五里延福寺有巨木一雙羊色白時來其下近則香

廣元隸北張道陵祠有伏鬼井道陵植杖井旁今為喬木

梓潼縣北十五里七曲山文昌祠二晉柏大幾三抱

富順縣甘氏園木黃葛依石而生才條忽拱

永州縣有松化為石今尚有斷節及根

銅梁縣南五十三里已嶽山木連樹高五六丈葉如椶楠花如菡萏出
山則不植

重慶城東北二百八十里溪上有古木盤屈如交龍曰交龍

涪州荔枝灘荔枝十八株猶唐所進楊妃者今存其三圍可四人

夔州府治東白帝城之西有木如桂高三丈相傳公孫述樓柱斫之出
血枯而不朽

眉州治西南三蘇祠古榆一相傳蘇老泉故居所手植至榮茂 文廟

紫荆二宋時植

嘉定州治東九頂山兌說峯下大楠三株其麓清音亭異柏四曰葉細如剪刀偏反如片曰垂絲如柳曰蠟刺如毛洗墨池松四偃蓋如車輪海棠有香其本合抱

峨眉縣楠木石楠文杏各大數圍高十丈餘又山半有老僧樹初枯而中空有僧坐化其內樹復活

大邑縣西八十里鳳皇山有紫柏十圍根盤巨石上踞騎鯨柏

邛州有變色木芙蓉花先白次練次緋次紫文宮花園有之

合江縣南五里榕山上有天符葉如荔枝長而有紋如蟲蝕篆不知何木或以為劉真人仙蹟

納溪縣楠木洞二楠大不盈數寸高丈餘葉亦扶疎雖千年如弱植

江安縣三清觀松二高十數丈

黎州安撫司廳東黎一高九丈圍九人州人取其枝以接果相傳唐僧

三藏游西域徑此植黎杖處云他日州治在此果如之 城東十里龍池祠內枯槎三株如龍形觸之則風雨暴至

福建

福建布政司後堂有大樹合榕樟纏生鬱然干雲曰嘉樹堂

福州壺江在海上海上多烈風而白崖之上有椿一株翠蓋亭亭榕葉槐身經年無鳥跡雖風作不脫其葉三年結子如紅豆曰仙椿

閩縣東十里東山之松塢有松宋初物錢昱題松身曰景致福神仙心
幽道亦玄僧闕出來世松老不知年

侯官縣鷄籠山西為鳳岡並種荔枝大者十圍高三十丈皆閩王王審知所植 城北百八十里雪峰山蘸月池旁有古杉閩王王審知與雪峯大師手植皆數十圍又雪峯道場有朽樹藏樓三楹曰枯木樓

羅源縣山路旁石岩下覆古樹虬枝蒼蔚其上石刻蘇舜元才翁所賞

樹名

永福縣東北 里方廣石徐君壇古杉高與石齊仙人福州徐登東
陽趙君炳競術君炳倒植花林莊登埋棋子田中涌土成墩植牛虱其
旁旋生枝葉今老樹尚存

晉江隸城北雪山宋時泉州治在其麓宋韓國華為守生崎於此生時
治前榕樹老花花如攀枝今樹尚在又城東鸚鵡山承天寺塔植榕樹
絕無矢污榕根盤鬱無復侵出石關外者

南安縣西九日山延福寺有無名木宋時木也而莫識其名王十朋詩
一木蒼然老更奇肯將名與世人知我來不具知名眼深愧平生未學
詩 福泉山有徐道菴菴前椽木合抱紹興三年水出其中或以瘧病
永春縣樂山東臺有橘一本橘實隨人取實袖歸即變蛇虺人統東臺
仙橘

泉州城中承天寺菩提樹一本大十餘圍高數十丈

建寧行都司元平章陳友定舊署多大樟皆十數人合抱一樹中空可坐五六人椽榑下垂儼如岩洞不知為樹也 城南三里開元寺嬰塔

松二

建陽縣西北七十里雲谷道中有數松詭異石碣曰戰龍松朱晦翁書
崇安縣圖宋令趙抃手植梅邑人碑之銘曰召有棠棣有柏清獻梅碑
以石

浦城縣

村中銀杏一株世傳仙人擲樹枝於上其葉垂下生母果

熟樹腫成大塊破之可得二三斗多至石餘形視凡果差小味則相同
尤溪縣西南百七十里分枝嶺界泉之德化上有大樹南北分向分縣
境

歸化縣羅漢寺有樹名羅漢結子如嬰兒

莆田縣福平山鳳山寺前有大木乃甘棠赤椈椈三木合為一幹蓋其初鳥食二樹之實遺天一樹中若寄生然久之合為一樹兵輪圍蔽虧參漢達于東西不見

仙遊縣楓亭驛荔枝樹六株皆參天味最甘 大旗山石瀨有一樹婆娑如椈國有大故樹輒先悴人名知國樹

漳川鎮海衛椈樹幹大如一間屋蔭三十餘丈 翠屏山之麓有大小二洞洞口桃二株不根土壤對峙石壁上高不及三尺歲結碧桃數十顆

光澤會仙岩石斗岬上有朱桃熟時即墮人莫能得

平和縣三平山樟樹云唐義中禪師初入山卓錫而立化而為樟今尚存

福安州龍泉菴椈樹其中可盤坐五六人枝梢寄生大可數十圍

廣東

廣東城內光孝寺菩提樹梁天監元年梵僧智藥三藏自西天竺移植
今圍數抱高十餘丈經冬不凋葉之筋脈細緻如絹廣人每用此為燈
為花

南雄府城東三里三松臺其地隆然高阜上有松三株蒼翠如蓋
潮州府治東金城山韓文公植一木今不識其名但稱韓土人視其花
之疎密以卜登科多少去祠十餘步種之輒死有題文公祠云韓木有
情空谷暖鱷魚無種海潭清是也

廣西

桂林府南門榕樹一唐總管李靖所植歲久根蟠分而為二
貴縣城內陸績井 乾和中刺史劉傳古植橘一株
慶遠府城北山大岩唐仙人陸禹臣嘗手植桃榴於左各一又淨瓶植

榕樹凡二十四葉至今不凋

橫州馴象衛殿指揮園缺樹高三四尺幹葉紫黑葉小類石楠周年乃
花花四瓣紫白色如瑞香累月不凋嗅之草氣 王濟日詢堂手現

雲南

雲南府城西南三十里太華山寺山茶八株高四五丈香閣前古椿園
二丈蒼幹入雲千餘年物府城南昆明池山茶

安益州西岸曹溪寺曇花一樹相傳自西域來扶疎百尺綠紫白花移
藥他種終不復活 溫泉側有異名樹僅四五尺蟠根石崖四時不凋
亦不長楊用修有瑤草蟠千年之語今距用修百年兵形質如故不知
其何木也

江川縣北二十里雙龍鄉有古樹不知其名春茁葉自南則旱自北則
雨自東自西則風雨時禾黍登四圍並發則饑饉旱涝驗之不爽亦不

知助於何代也

太和縣上關和山之麓有樹高七八丈葉如桂花白色每朵十二瓣應月數遇閏加一相傳仙種更無別本土人因其地名之曰和山花

白崖川 菩提樹高四丈

臨安府 荔枝二樹並合抱

武定府城西五里獅山上小池旁羅漢松一大數十圍霜柯鉄幹世所罕見

金齒衛城東北八十五里瀾滄江其南三十里有萬箭樹段氏時蒲蠻出沒經此過者射其樹以厭勝之至今猶然高丈餘鐵如蝟刺

貴州

貴州金鷄驛東十餘里松樹山山石如臺高數千餘尺上五松自漢以來至今不改柯馮元成集

談邊曰余輯古木在今者據地志及文士紀咏耳秦蜀閩粵滇黔中
地多深阻歷代採木無致異材而徵文致獻自恨寒儉誠為寸朽賄
笑鄧林也

穀

秬稻宋大中祥符五年求之占城分給江淮間者耐旱熟

江西建昌府產銀珠米宋時太守沈造嘗獻

金華香杭梁開平中赤松壇道士周獻赤松澗西杭米於錢武肅

王曰此實仙種三秋穗重香濃止五十區鼠則野裡逐之雀則蒼鷹逐

之王客遺張思敬往視果然遂賜紫衣錢帛明初沿宋制歲貢香米

三十石太祖曰我訪知民間擇圓淨者用黃絹袋盛貯封護進至今

後同秋糧送納不須歲貢勞民自此遂絕金華府志

平涼蠶麥一曰西天麥苗葉如薔球而肥短未有穗如榴而非實質如

塔如桐子大生節間花垂紅絨在塔末長五六寸三月種八月收

平涼府志

襄城縣土產芒大麥米大麥亦可釀酒漢書揚州有槌花米即今泰州紅也為下品

米且雷州府忠靈島出枝葉似柳花如烏豆一種之後數年生實淮南子豆之美者有米豆

四川山峽產雲南稗一曰鷹爪稗以形似名亦播種畦植與五穀爭植東南所無也

竹

杭州餘杭縣之洞霄宮竹葉採之或不露骨云無骨若

蘇州越王竹聞人聲則縮入沙中

延平府劍津西山有朱竹數頃按朱竹世未之間元時宋仲溫在試院卷尾以朱筆掃之故張伯雨有偶見一枝紅石竹之句管夫人嘗畫懸

崖朱竹楊廉夫題曰洞得珊瑚枝躑躅篔簹谷明年錦欄兒春風生面
目蓋畫中朱竹不謂實有之也

鄱陽人言山中產异竹高十餘丈其徑盈尺底而為筍往往得泉甚甘
山人亦多壽考

陶文學士集

袁州萍鄉縣羅霄山晉葛洪修煉處壇生二竹風動如掃人謂之掃壇
竹又岳州平江縣暮阜山一名天岳山上有仙壇瑞竹同本异幹隨風
掃地名為掃壇竹

均州西南薤山孤竹三莖卷三年一笋生一笋甫成則一竹枯代謝不
已

茶陵州真仙洞有竹節長一尋徑數尺名曰雲英

廣州增城縣東南二十三里猊山產娑羅竹圍三四尺性至堅土人取
以為弓

衡州衡山萬年竹

惠州羅浮山有巨竹十圍節長二丈曰龍蔥竹

平樂府平樂恭城二縣出筋竹可作衫充暑服

峽州宜都縣飛魚口產紅竹大者不過寸許鮮明可愛 有竹斜節如

龍鱗山園中間有之不多得

長韭

浙江象山縣東南百餘里大海中韭山產大韭徧地為然

四川邑梅峒長官司南八里昔有人遺韭種山頂韭長丈許四時茂盛
民多食之

彭侯芋

福建連城縣蓮峰山產彭侯芋葉大如盤冬夏不枯過手子落崖下人
難取取以 亦不能熟舊傳彭侯所種

甘藷

甘藷俗名紅山藥也。徐立扈相國曰：近年有人在海外得此種，海外人亦禁不令出境。此人取諸麻絞，入汲水繩中，遂得渡海。因此分種多植畧通閩廣之境，俗名番藷。蔓地生，形員而長，味甚甘。山藷為劣，蓋中土諸書所言藷者皆山藷也。今番藷撲地傳生，枝葉極盛，若於高仰沙土深耕厚壅，大旱則汲水灌之，無患不熟。閩廣人賴以救饑，其利甚大。農政全書

朱藷產呂宋國，被野連山不待種植，夷親食之。萬曆中閩人移蔓以歸，種之數日即榮，瘠鹵沙岡皆可植，糞之加大，眾人資以充饑。何鏡山先生喬遠有番藷頌

荔枝

弘治壬戌沈石田有白節顧氏種荔枝成樹詩云：常熟顧氏自閩中移

荔枝數本經歲遂活石田使折枝驗之翠葉凡凡然不致信也以示閩人良是因作新荔篇

按吳地荔枝難種往聞吾西湖馬太僕三才墓含有荔枝樹垂實為俗子伐去偶見沈詩後人獨不為繼美耶

龍眼荔枝二種廣東止於韶州至南雄則無福建止於福州至延平則無大都近海之郡則生不近海不生閩俗女子將嫁男家先一年送荔枝紅

獨本葱

馬湖府產獨本葱宋真宗罷獻

羅漢菜

南昌西山羅漢菜因靈觀尊者自西域持至葉如豆苗蕪州三角山亦出雜以葷即無味

人參

遼陽東二百餘里山深林密不見天日產人參採者以夏五月入裘三日糧搜之最難或徑迷斃人

萬曆中遼東李都督如松嘗餽某侍郎一本重十六斤形似小兒海鹽姚叔祥記

地黃

懷慶地黃蓋藉濟水灌畦而肥也不知密縣東北一帶旅生實繁苗時懷人用青蚨買去每斤值五六文耳計其所獲畝窻十金而饒

密縣志

琪樹

琪樹垂條如弱柳結子如碧珠三年子乃一熟每歲生者相續一年綠二年碧三年紅纒條上璫錯相間產天台桐柏宮石橋等處

佛手柑

佛手柑一名飛瓊鈕浴母孫瓊與定夫人書此中果有胡桃飛瓊

薔薇露

薔薇露出大西洋國花如牡丹花露晶瑩芬芳襲人澤體膩髮經年不
滅

大内瓜子

大内多异物歲一閱視出之於廷有瓜子長五六寸闊稱之不知何地
所產其瓜當大於屋此古來史冊所未聞也袁貴妃父祐記玉堂書記

文林郎

濟南文林郎果本草云出渤海如李如林擒其樹自河中浮來得之者
為文林郎故云

不灰木

檀子經野火燒死根不灰色白類龍骨諸岐錄志

萬曆己丑春諸城東鄉人言廬山東麓崖塌出龍肉又曰龍骨無數邑人驚愕後識者曰不灰木也其長莫竟滿澗皆是色白而軟非木也可以燃燈類於龍骨故訛傳耳齊地記曰東武城東南有廬水水側有勝火木方俗音曰檀子其木經野火燒死炭不滅故東方所謂不灰之木也

君子樹

君子樹似松曹爽樹之於晉廣志

木威

廣西宜州木威似楸樹葉間有寶槌生似橄欖廣東蓋號為烏攬豈貴間謂波斯橄欖其葉兩廣人用作雨衣柔韌密緻勝香油也

血樹

血樹似芭蕉葉如血根幹紫黑色高者七八尺惟雲南臨安有之

塔松

峨眉山塔松狀似杉葉而圓細亦不見高重重偃蹇如浮屠山頂尤多

椿實

鉅野縣郊外紅樹一枝蓋椿實也與餘者不同

楊士聰靜遠堂集

椿木實香可

噉

陰陽柏

海鹽橫山崔孝廉培元家廳事前二柏殆百年專左花右實予聞而待過之真奇種也按陳繼儒太平清話南渡時高麗進陰陽柏二株僅二尺許高宗以賜王陶陶種之永懷寺高輿殿齊每歲左花則右實石花則左實

紅豆樹

南京牛首山東北鄭太監墓有紅豆樹

順棘

長清縣豐齊鎮北古城棘刺皆順而不鉤世傳宋藝祖微行過此

長清縣志

猿草

山海經曰大魏之山其陰多鉄美玉青璽有草焉其狀如著而毛青花而白實其名曰猿服之不夭可以已腹病今亦存其名耳併美玉青璽皆烏有也

安縣志

松羔

秦地松樹彌望山中尤多其小者曰松羔以木稱羔與羊羔之羔義同

楊士聰玉堂薈記

金剛纂

天目山金剛纂樹長不滿三四尺多屈曲雖春夏亦無葉毋觸其枝曳裾不前夷緬國有是種相傳劉其末以漬水水必毒飲者立死

安州志

雲南大侯州產金剛纂其色青狀如刺桐性最毒

赤藤

赤藤產緬甸朱色可為杖

孝陵海棠

孝陵海棠獨結實外香中酸

指甲花

指甲花五六月開花細而黃類木犀中多須節香亦絕似葉染指甲其
紅過於鳳仙稽含南方木狀胡人自大秦國移植南海

日論堂手鏡

娑樹木花

娑樹木葉似海桐又似楊梅花紅白色三四月盛開備紅紫白諸色叢

葉並蒂大可尺許出四川峨眉山

木蓮

我眉山木蓮四季歲華若續

早金蓮五臺山出瓣如池蓮較小一圓而色如真金挺生墮地相傳是文殊勝蹟也

娑羅樹花

天台山娑羅樹花一名鶴翎出華頂峯以多經風霜樹不高大樹數十枝枝千餘頭頭六七葉經冬不凋花如芍藥香如茉莉唐天寶初女西道進娑羅樹

唐娑鏡

唐娑鏡一名羞天花一名倒垂蓮本草所謂鬼白也其花皆日與蜀葵相反

簷蔔花

牛首山鄭太監強墓有簷蔔花

滇茶

御史鄧鍊論滇茶十德色之黠而不妖一也樹之壽經二三百年猶如新植二也枝幹高疎有四五丈者大可合抱三也膚紋蒼潤黯若古雲氣鱗壘四也枝條黝糾狀似座尾龍形可愛五也蟠根欲攬路困離奇可馮而几可藉而枕六也叢葉森沉叢茂七也性耐霜雪四序常青有松柏之操八也次第開放近月方謝每朵自開至落可歷旬餘九也所入甌中水養之十餘日顏色不變半合者亦能自開十也

昆明池山茶見吳人葛一龍四憶詩

玉女花

沁水縣韓王村玉女祠有樹每歲再花春亦秋黃人不之識張大理五典載之縣志大理長孫郁督道濟遂名曰玉女花蓋今人耳目短隘或他處有是花具其名未可知也曹縣青山之上神祠縣志云樹古不知

其名都秀才元謂南人過之云樸也夫樸為下材猶隔於淺識况其他乎孔林之楮子貢所植即吾鄉黃棟嫩葉可茹俗名茶娘也予年五旬因過丹陽摘芽同舟人語及有省否則終其身不知楮為何不矣

勞山白牡丹

膠州勞山明霞洞宮白牡丹一本非近時物豪家匡氏移去而匡氏敗有白衣人見夢於道士曰我今來矣果舊坎復巖至今存匡氏之種委高相國記

延安府膚施縣南四十里牡丹山曰花原山多牡丹樵者以為薪入縣西牡丹川牡丹特盛又宜川縣東二十五里牡丹原

沈萬三牡丹

南京都察院河南道署中牡丹單紅為國初沈萬三物

延州紅

延州杜甫川西三十里曰花原頭其山高五里二十里千餘年來上
人種牡丹幾徧至折為薪故名花原牡丹譜所謂延州紅也

海棠

大足縣古昌州也海棠獨香故又名棠園唐有大足年號郡邑以年號
名者種種如仁壽崇慶之類郭子章蜀草

金蓮寶相花

南京鷄籠山五顯廟金蓮寶相花一曰優鉢羅花開必四月八日至冬
而實如鬼蓮蓮去衣其核中則金色佛一尊

紫金蓮

登鄧縣嵩山法王寺紫金蓮開中秋一月云神光說法時從地湧出移
他處即槁

轆頂花

施州善舍樹四時開百種花惟覃氏子教歌舞其下花乃自落

素馨茉莉

陸賈南行記南越五穀無味百花不香獨有二花不隨風土而變謂素馨茉莉也

特產

閩中紅茉莉蜀中紫繡球楚中紅梨花燕中黃石榴天台黃海棠白海棠
崇白紫徽碧桂花白玫瑰洛陽黃芍藥皆特產地地所無

益都方物畧記有赤鷄芋止言可歲不言其花予里仙人偶種得花
開以日中花成條若簇小粟香如蓮色如百合亦若葵而稍淡先有臺
如荷包之花綻而臺破見瓣以律詩中

袁石公歲稱湘湖蓴菜美不知湘湖無蓴皆從西湖採去以湘湖水浸
之蓴菜經宿則愈肥凡泉水湖皆可浸不必湘湖也今人但知湘湖之

蓴又因石公言謂非湘湖浸不佳皆耳食者耳見李流芳集中有蓴菜歌

廬山紫芝

晁无咎鷄肋集舊說廬山有紫芝田百畝人莫得見偶於間樓賢林中步二日各得一枝正枝如玉云云噫紫芝可植所少晁无咎其人耳

木瓜

木瓜汲縣爾雅曰楸木瓜也衛人所賦木瓜即此

芍藥

溱陽芍藥芽代茗飲曰瓊芽先朝進御見黃潛集中

不出宮菊

宋徽宗萼菊有小朵銀色者不令分種於外禁中名曰不出宮菊譜所謂御愛菊也

菊實

蘇弘之荊川記攘蹠芳菊被崖水極甘美菊莖短施大太尉胡廣恒汲飲此水又收其菊實傳植京師種今內鄉縣楚寶

菊譜

趙俊谷先生時春菊譜序曰菊之為華冬培根春藝苗孟夏分植夏而迄夏再取其肄又植之終夏而止至秋大成伐其條肄以培其花迄秋而大成初冬大發其美既欲其久存或苦覆之暮之蓋終一歲之勤焉其名著於月令餐於靈均紀於本草於南陽陶潛籬之杜甫叢焉幽人騷客率發詠至宋人譜之而大備色之殊者或如墨或紫及尋丈色品繁阜宜隰及圃中者宜原野下者蔓行邱陵皆華而不實其植以根枝蔭之根成而暢乃見晚其白面內苞作筒外瓣單者香甜宜貯酒卻風養老壽本草杜甫詩所謂甘菊也聞以伏日而色紫紺

結子即種而不根，菱世號六月菊。今吾郡及雁門西河高山多有之。菊之贊也，華之不植而灌，柵者或萬數，僅如大小錢，但可醞，麩不足稱也。受培植而藝工者，子其身保其葉，勉然上生，其端有微葉，乃彥之而又子其枝，保其葉，脩然扶搖，其端有微葉，又彥其巨莖而伐其細苞，彥三以應陽九，亦菊性也。幸以微葉冒端者為微，否即聲糾，藝者必審於此。故花大及二寸餘，小者猶當十錢，彥三之而不可過者，或至再倍身，洪大者如大小指，可杖單者猶二三尺高，率及人肩，眉菊之最盛者也。糞必熟，薄而函，數均平之，既以三五日，陽地以涼，陰地以溫，澆溫泉，洪河之波，澆最良，良獸之腥尤宜，澆貉之陳油宜，糞分植而未根，茲宜陰或蓋，冒之樹蔭之澆，以葉舒為微，季既澆之，或以壺水如針孔者，雨之候可肆，宜移諸陽，皆上品也。其下者亦居陰，寒冬除其霜，蔽或曰：此北方平原法也。寒甚，夫陽上品花，或居南方，炎洲有雪，乃開，或至中冬大。

抵菊凌霜耐寒亦涼中和之氣馬糞生米汁酥生蟲腦麝六畜之殘藥
工動作之疏率能救菊於法當除

黃中央土正色菊本黃上品大黃菊正黃金鶴頂黃福赤心二品赤金

盤黃赤玉麟球淡黃黃鶴毛御愛黃俱十丈黃火煉黃俱佛面黃子

葉蜂窩黃一名金荔枝一名萬卷書單葉百幅大金錢單黃金唇頂一名

枝嬌幅單烟黃赤南方火正色絳紅紫以淺深別也非如服之間色也

上品絳紅袍正紫紅鶯毛海東紅早茶俱十葉初中品狀元紅一日舊

朝服初紅晚下品金眼回單紅幅白西方金正色凡色白者皆觀潔

而香菊為甚皆可釀酒入藥上品平白雙幅黃青心白十葉幅白鶴毛

十葉白蜂窩即十銀鶴頂單白幅金盞銀臺單白幅正粉色得人之正

色青且麗者也上品銀鶴頂白幅荔枝紅白幅漸大為忌十葉中

品玉蘭反小粉息虞美人雙幅八月菊十葉八月蜂窩單幅

蘭

蘭有紫黃碧三種又四川霧中山產赤蘭曰冬蟬黃蘭曰玉蟬紫蘭曰金蟬

宋末鄭所南畫蘭不根土曰今日此土非我有也雖憤語而天曰山產風蘭鹿角蘭俱不土而活

宋政和五年正月密州產蘭彌漫山谷或附木石或出乎地有一本數十花層疊高丈餘五色咸備家種志

蘭有清蘭線蘭各種保定縣志

棉花

潁州志紅棉花青棉花俱閩產

禹貢兗州厥貢絲屨篚織文揚州厥貢鳥夷卉服厥篚織貝註謂兗地宜柔織文者綿綺之屬卉服今木棉而織貝為木棉之精好者曰柔絲

曰木棉維克與揚之鳥夷作貢彰矣古之所謂綿者絲綿也古之所謂布者棗布也故唐人稅法每丁歲輸絹或綾絕共二丈綿三兩輸布者麻三斤宋林勳作政本書匹夫之貢惟絲與綿非蚕鄉則貢布麻夫以綿而繫之絹以布而繫之麻則綿為絲綿為布為棗布也明吳元學士王磐序農桑撮要之書云木綿種於陝右輟耕錄云閩廣多種木棉紡績為布蓋木棉出於南表西域宋元間始傳閩廣闕陝至 明時乃盛

茅

苞茅出沅江一莖三脊

瀛州青茅艸可為筆

河南新鄉縣魯包村仙茅世傳西域僧所獻唐明皇服之有驗至今江南人呼婆羅參

嚴州釣臺地止生白茅無他產郎瑛詩乾坤留節氣草木顯清風

仙草

雲南蒙自縣有仙草葉圓枝細其葉乾之一二耳醃以泉井或氣呵之復鮮茂如故

不死草

柳州產苴草俗呼不死草狀如茅高一二尺食之令人多壽者月置盤筵中蠅蚊不近物亦不速腐戰國策楚人獻不死之藥卽此

真仙洞草

茶陵州真仙洞深十里許有草一本枝高三十丈狀如芭蕉

觀音篋觀音燭

延平尤溪縣之雙峰山生异草二種一如婦女束髮篋名觀音篋一如
樺燭可灌油照夜名觀音燭

俱那衛樹

俱那衛樹高七八尺枝脆葉狹而長花紅根似玉簪花而小曾師建閣中記南方花有北地所無者闍提茉莉俱那衛皆出西域咸傳閩中北地雖植莫能活也

夢花草

綏寧縣產夢花草其莖如藤其花黃白叢條如綫有疇昔得夢而遺忘者紐之即寤見一統志嘉興邑公刻先生汝稱令綏寧嘗訪之土人不知也

虞美人草

四川雅州和夷霜生虞美人草歌曲其草自舞

羅漢繚

衡山天掌峯生草兩莖相纏垂頭如繚俗名羅漢繚

通靈草

成化時邑人孫漳守潯州斷藤峽有草名大藥治金創撲損神效徭人珍之孫歸移種而萎弘治十年三月忽生後國孫曰思之二十年不圖復見名通靈草今不傳或有之無知其名者

相連草相離草癡漢藥

貴州清浪衛山間產相連草苗婦於高山長歌連日歌淫心蕩有草飛來入懷置衣袂間令人相思欲死相離草投飲食中令夫婦參商又草名痴漢藥淫婦以食其夫如醉夢絕無妬心徐尚書良彥隨風錄

茶

國家歲貢宜興縣芽茶百斤內二斤上南京禮部

六安州芽茶三百斤

廣德州芽茶七十五斤

建平縣芽茶二十五斤

浙江長興縣芽茶三十五斤，細南京茶出顧渚，即芥茶也。近時僧大方製法，剪去尖末，號大方茶。按宋朱長文《吳郡圖經》：續記茶長洲縣生洞庭山者，與金時蘄州味同。近年山僧尤善治製，謂之水月茶，以菴為名也。頗為吳人貴之。

嵊縣芽茶十八斤

會稽縣芽茶三十斤

永嘉縣芽茶十斤

樂清縣茶十斤

臨安縣茶二十斤

富陽縣茶二十斤

慈谿縣茶二百六十斤，縣西南六十里，宋竇祐間丞相史嵩之治墓，建開壽普光禪寺，其山頗產茶，殿師范文虎因置茶局進貢。元明皆仍

之

麗水縣芽茶二十斤

金華縣茶二十二斤

龍游等縣芽茶二十斤

臨海等縣芽茶一十五斤

建德縣芽茶五斤

淳安縣茶五斤

遂安壽昌二縣各茶五斤

桐廬縣茶二斤

分水縣茶一斤

江西南昌府芽茶七十五斤

南康府芽茶二十五斤

贛州府芽茶十一斤

袁州府茶十八斤

臨江府茶四十七斤

九江府茶百二十斤

瑞州府茶三十斤

建昌府茶二十三斤

撫州府茶二十四斤

吉安府茶十八斤

廣信府茶二十二斤

饒州府茶二十七斤

南安府南康縣茶十斤

湖廣武昌府芽茶六十斤

岳州府湘陰縣茶六十斤

寶慶府邵陽縣茶二十斤

武崗州茶二十四斤

新化縣茶十八斤

長沙府安化縣芽茶二十二斤

宜鄉縣茶二十斤

益陽縣茶二十斤

福建建寧府建安縣芽茶千三百六十斤內探春二十一斤先春六百四十三斤次春六百六十二斤紫笋二百二十七斤薦新二百零一斤按何喬遠閩書建安縣鳳凰山之麓曰北苑所焙茶最知名曰社前次曰火前又次日雨前火前為寒食前雨前謂殺雨也鳳凰山旁曰壑源曰沙溪皆產茶之地而壑源為冠

崇安縣茶九百四十一斤內探春三十三斤先春三百八十斤次春百五十斤薦新四百二十八斤

計天下貢茶共四千二十二斤而建寧茶品為上宋元時所貢必碾而抹之壓以銀板為大小龍團 明初以重勞民罷造龍團惟採其芽以進

自貢茶外產茶之地各處不一頗多名品如吳縣之虎邱鐵壩之龍井最著攷南宋蘇州茶額六千五百斤元無額明納錢三百十九萬三千有奇惟吳縣長洲有之

成化三年奏准南京供用庫歲用芽茶坐泚池州府二千斤徽州府三千斤葉茶徽州府二千斤蘇州府二千斤滁州二百斤徐州二百斤廣德州三百斤南京戶部志

四川茶園十株取一微茶三兩茶四十斤易番人馬一季末忠以茶五

十餘萬斤易馬一萬三千五百十八匹今茶課本色十五萬八千八百五十九斤係石泉建始長安等縣并建昌天全烏蒙鎮雄永寧九姓土司辦納

陝西茶課今五萬一千三百八十四斤係興安紫陽石泉漢陰西鄉城辦

陸羽茶經曰杭州下蘇州又下建州未詳郭子章曰今三州名甲宇宙豈山川清淑之氣當竟陵時未茁為茶也耶

宋貢茶首稱北苑龍團而武夷石乳之名未著至元設場於武夷遂與北苑並稱今但知武夷不知北苑矣 明朝不貴閩茶即貢亦備宮中況灌瓶盞之需貢使數資金抵京買而納之即閩有採辦皆延平產非武夷也

延平人呼製茶者曰碧壑新茶下崇安令例致諸貴人黃冠苦於進呼

盡斫所種武夷真茶久絕

金線煙出海外蕃國曰淡也菰流入閩粵名金線煙性燥有毒能殺人
天啟二年貴州道梗借徑廣西始移其種葉似薤長莖採而乾之乃批
如線今藝及江南北崇禎十六年勅禁私販至論死而不能革也

經劫草

茶陵州雲陽山有草高三丈一本千枝一枝萬葉百年而開一花已
開不謝陰卷晴舒名曰經劫草 茶陵州志

頤動

獸異名

獸之異名者曰舍利能吐金曰羆能化虎曰彪白虎也一名素威曰
慄黑虎也曰蝮蜒似狸長百尋曰象與其背可坐曰獠胡似獼猴曰狻
遠天上神獸也曰鬲鬲能知生死飲其血則見血曰獬廌音如斯木曰
山獬其行如風見則大風曰辣辣狀如羊一角一目曰吉量文馬來之
壽千歲曰球踢曰屏逢皆左右有首曰鵠蒼異犬也曰驚帆者快馬名
曰飛燕馬也張平狗亦名飛燕曰魃魃者一角羊也能觸罪人曰倉光
水獸也一身九頭善覆舟曰破鏡逆獸曰不來狸也曰邛邛距虛比
肩獸也曰花鵲王鐸卑脚犬也曰天鹿即天祿純靈之獸曰角端日行

萬八千里曉四夷語曰餘幽隱獸也能避災害曰雞斯散宜烙生討馬也曰茶首兩頭鹿也曰瞿摩帝牛也曰驛駮詎虛類曰蒙貴狀如猿而小善捕鼠曰贊者出大秦國似狗多力獷惡曰蚺蝮水獸也曰白漿踰輪山子皆駿馬名山子又名五明又名叱撥曰野子即騰犴也

禽魚異名

鳥之異名者曰畢方能銜火作災曰駮驤驚雉也曰雉玉似鴨而大曰鷓鴣似鳧而脚高皆辟火災曰庸乘鳧也曰焦明似鳳曰帝江天山神鳥也能歌舞曰鈞星衣毛為鳧脫毛為衣能收小兒魂魄曰鷓鴣者出基山如雞三首六目六足三翼食之無卧曰瞿如白首三足人面曰索翬者冬見夏蟄服之不畏雷曰鷓鴣者出小侯之山食之不瞋曰鷓者出女兒山雄名運日雌名陰諧曰鷓鴣雞也曰鷓鴣斑鷓也曰鷓周子規也曰須臾鷓也膏中瑩刀曰春鉏鷓也曰鷓鴣如鷓一名鷓鴣一

名腹羿人射之則銜矢射人曰布有昆崙大鳥也曰澤烟楚鴈也曰鳩
婦即鳩也曰晨風鷓也曰博勞惡鳥即鷓也又名伯楚曰首羊而禽也
曰鷓鷯比翼鳥也曰謝豹杜宇也曰訓狐怪鷓也曰鴝河澤鳥相視而
生曰阿漉堆壘山鳥也明皇取其聲為曲又作鷓漉堆曰迦陵頻伽妙
聲鳥也曰借妾雁也曰秦吉了能言鳥也曰鷓鴣出條支國高七尺解
人言曰乾翠鷓鴣也曰脰鳥燕也曰鷓山鳥也曰鷓鴣水鳥也曰鴝鵒
即青鳥也曰批頰即鷓鴣也惟明鳥曰麋鷓九頭鳥也曰群朋鳥雙飛
即韓憑夫婦所化曰漱金鳥魏時昆明所獻吐金屑如粟鱗之可為器也
曰冠冕石首魚所化水族之異名者曰鯢鮪狀如科斗曰鮪鮪有橫骨
如鼻前所擊無不中斷曰鱉魚如便而雌常負雄行曰蟹似蝦益人顏
色曰鱖魚如圓盤口在腹下曰三梭似蛙蛤曰蝦江似蟹而小曰蛟螭
小蝶也曰蝶結腹中有蟹曰水母有智識無耳目曰龍鯉一角陸君曰

文魃狀如復銚曰蠚螭大龜也曰吉弔龍卵也龍生二卵一為吉子其
脂治聾曰地甲龜也一名神釜曰訖羸紫色鱗也曰活師即科斗也曰
仲明鮪魚也曰鱣刀魚也曰魁陸蚺也曰人魚鮪魚也其骨可為蠟
曰水唐如小兒鱗甲如鮫鯉好在蹟上自曝曰元緒神龜名曰彭越海
中小蟹也曰鱗鉢者子陽魚也曰鰈比目魚也曰鮫鯪即烏鯪魚也
曰鱈魚魚之生母也凡諸魚欲產輒以頭衝其腹曰印頰魚即東坡詩
通印子魚也曰禺禺揚州魚也又名解喻曰沈虎虎頭魚也曰潛虎鹿
頭魚也曰弁鱗一名洞蠟蝦所化曰白髮魚出滇池曰妾怪魚也出博
白曰鰓如鵲而十翼捕之可以禦火曰燕魚出福州曰蜃蠃也曰
百足亦蟹也長九尺四螯煎為膠謂之蜃膠出善苑國曰黃臘即橫魚
夜有光如燭蠟為火不滅曰骨雷鱗魚也一名忽雷龍化為虎曰鱗增
傍海大魚其溺甚毒曰倭臂如造入海捕者祭之則出焉對可釋矣

龍

龍生九子蒲牢好鳴囚牛好音鳴吻好吞朝風好臉睚眦好殺負魚好
文控犴好訟狻猊好坐霸下好負人博物志憲章好囚饕餮好水螭螭
好腥螭螭好風雨螭虎好文采金狻猊好煙椒圖好閉口切螭好立陰螭
魚好火金吾不睡皆龍種也

嘉靖初海門縣牛渚潭產龍無數傍崖近水處皆龍窟舟過其下亦不
傷人偶黃龍起楊氏射之中一目黃龍遂以楊氏舟扶真山巔迄無宮
餘數十舟覆沒

嘉靖七年實應知縣聞人諺以射陽湖水患奏開月河試築紀功方類
地祇舉事二龍戲水上鱗角畢露衆懼而寢時大雨繞四野獨不及工
所咸稱其异以上揚州府志

南昌熊太僕

以此部郎獄永平大雨三日雨中若列千萬炬自

西北至海及霽有大木三十長十丈遺永平城下土人曰龍王採木數十年一見

諸城縣海邊人家有室女及笄者夏雨以手掬簷溜後右手拇甲內若有紅線寸許作盤屈之狀年餘不滅亦無所苦女伴戲而恐之曰得非龍乎明年夏雷雨女出其手於窗外忽震雷碎自從窗間起有龍出拇甲中騰空而去但甲分裂餘亡恙

沁水張志烈銓以御史巡視隴右茶馬某地巨魚半露人鬻食之明日又半露仍鬻之日露日鬻旬餘大雷雨龍上井而鬻食之家俱漂沒
烈子道濬說

陽城縣劉村劉氏夏雨跣坐拇指掣動頃之破膚而出長三四寸騰雲頓長數十丈指微痛不覺張藐山先生說

我省山前為龍穴游人至僧鉢盛之如蜥場尹伸曰此下方蛇鬻何龍

也僧指示首爪特异僧舍有碣昔有怪汲入釜中頃刻電雷大作其晦
諸僧所不知所為老僧曰得毋煮龍子乎亟發釜出之立瘳

伏牛山泉游人祈龍現形可三四寸鱗角蜿蜒成鉢中云佛受記以上
臨海王恒叔游記

曹縣苗家寺佛像指出龍財三寸脩數尺首向佛歛忽透空數十百丈
赤光閃指今佛指痕存曹縣亦開宋說

平湖徐在中以工部郎中分司張秋張真人舟過侍兒清麗徐時謔之
真人曰先生可自重此某地龍也不信命進盤水侍兒忽入之即雷雨
萬厯己卯行人謝杰使琉球航海颶風作大雷雨有龍三掛於舟上見
其頭角一長年曰此來朝壘書急挾杰起書免朝示之即速

崇禎丙子沁水曲底村山崩露龍骨首如五斗盞角長三四尺齒廣寸
許亦甚長人多拾之藏於家

龍三停九似自首至膊膊至腰腰至尾尾皆三停角似鹿首似駝眼似甲
項似蛇腹似蜃鱗似魚爪似鷹掌似虎耳似牛

龍涎香出蘇門答剌國其國西有龍涎嶼峙南巫里洋之中郡龍交戲
其上遺涎馬國人駕獨木舟伺採之每一斤值其國金錢百九十二枚
准中國銅錢九千文嘉靖三十四年下戶部取香百斤備示京師不得
下諸藩司採買廣東購每斤千二百金僅得十一兩進內驗不同姑存
之亟取真者廣東嶼因馬那別的貼有一兩三錢上之黑褐色密地山夷
人繼上六兩白褐色細間狀云黑者採在水白者採在山皆真不質尋
有密地山商再上通前共十七兩三錢五分次年進內辦驗是真許留
用自後夷船聞上供稍稍挾來定價每兩售百金龍涎之為用也入香
合和能收斂腦屑清氣雖數十年香味仍在焚之翠煙裊空不散或言
涎沫有三品曰泛水曰涉沙曰魚食泛水則輕泛水面善水者伺龍出

隨取之溙沙則凝積多年氣溙沙中魚食則化糞散於砂磧惟這水者可入香用又魚食亦有二種海旁有花若木芙蓉者春夏間或開花落海大魚食之若腹腸中先食龍涎花嚼入久即滾開昂頭向石上吐沫乾枯可用惟蠢者不佳

蟒

龍雅蟒者大蛇也蟒無角無足龍則具角足今織蟒俱龍非禮見弘治元年都察院左副都御史邊鑄奏禁

蛇

京師西山潭柘寺有青蛇二歲四月八日僧亟示大眾施錢手摩之祈免死

梧州火山有蛇廟佛爐上蛇時纏之大小不等少則百餘多至四五百枚盜敗不服予蛇然之是盜則啣否則絕不傷人

天啟初福清葉相國向高應召道淮陰苦清口涸禱于金龍大王廟或作神語此地屬張將軍當問之若外河吾當護送夜果水漲連清口是日蛇附於柁薄暮升柁樓忽不見相國勒記廟中

崇禎

大旱其縣有三蛇金背白腹長三四尺餘有司設酒穀祭之

一蛇躍上臺案吸酒盡須臾不見

陳眉公集

腕蛇出崑崙聞人聲即自寸斷人伺其斷鉗取之須寸各異處待風乾入藥若少頃無人聲寸寸動躍仍續而蛇也主治色勞以驚疑喪胆惟此可續命本草方書不載

玉鏡新譚

石魚

蘇東坡曰倦游錄云龐州地名魚龍出石魚掘地破石得之多鱗脚之形鱗鬣皆具一如描畫魚龍古之波澤也豈非魚生其中山頽塞久上疑為石遂留形跡耶

萊陽聚溪出魚鳥石云魚淤沙中久之化石文大青集

飛魚

國初杜侍郎寅彥正云有人航海得飛魚於黑水之陽其長二寸頤兩
鰓各廣長寸餘張為兩翅海風發作從波濤飛船上如燕雀既止則不
能飛意者爰居海鳥亦此類與莊周所謂鵙化為鵬者荒誕也

五色魚

隴州魚龍水潭深不測產五色魚俗以為靈莫敢採捕

狼山魚

崇禎元年八月十三日狼山兵人喻崇布曾於港夕得魚可三尺巨首
細尾體甚重投筭省中忽太息曰我游自海上乃受制乎崇駭之即移
歸漸縮作鮒三其尾崇懼擲殺之

鮪魚

雲南百夷中有小孟貢江產鮓魚食之日御百婦故夷性極淫貴賤俱有數妻山中又有鱗子蠶餌一刀圭終身斷絕人道土人以飼牝馬不官也灌程記

鮓魚

四川通志榮經縣生鮓魚狀如鮫有四足大首長尾聲如嬰兒喙木弗墜

通州鮓魚

通州人葛原六魁梧家僕人也以布衣獻鮓魚百尾時用法嚴或阻之原六咲曰爾不上食父母即君猶親也庸何傷及至上召問之曰魚羹何如對曰臣未進不敢嘗也上大悅命賜酒食仍還其一曰勞汝勞汝其後歲進至九十九尾著為令

重慶府龍門山寺吳造立畫魚藍觀音池魚五色類籃中物相傳僂失之魚水頓竭既獲即如初陳周蝶卷存稿

石花魚

保德黃河之鯉肥美甲天下產處僅三十里以食石花而肥曰石花魚

銀魚

寶坻縣銀魚每歲霜降銀魚自海沅流而上縣設六廠各漁戶百七十人每歲中官下廠督捕進貢七次

鯽魚

南京中貴惟胡惟庸故府每歲於玄武湖中勅賜打魚三日名鯽魚
滁州城濠產鯽歲貢一千四百尾以元日冬至分進留都南京後湖滁洲河並產鯽

西益衛西五百餘里青海方數百里有魚皆負黑點一名卑禾羌海漢

末王莽諷卑末羌獻西海地置卻即此

蛙

我眉山天樂池中有蛙游人鼓掌則一鳴群蛙次第相和將終則一蛙大鳴羣蛙頓止宛然一部鼓吹

玉蟾

揚城李瑛從宦葭州署後園見白蝦蟆甚大如瑩玉呼家衆視之已失所在

蝗

蝗腹下有梵字自叨利天梵天來西域作天壇穰之酉陽雜俎
江中魚化為蝗而食五穀者百歲為鼠述并記

玉蟾

環慶無麥秋大梁無螢無寒蟬然寒蟬螢北京有之矣地之并耶冷使

然耶 李夢陽集

金蚕

無錫鄒迪光金蚕說畧曰金蚕閩中有之形似蚕色黃其說不見於諸書閩人云蚕所在有金焉或過而拾其金蚕必與俱之家若不令與俱輒營營然緣足而上撲之復起旋撲旋起延及身手膠手掣足躓耳窒鼻兩目眊眩煩無色澤四肢百骸倘恍若失而死迫矣即不與俱而還其金亦由首企踵適然下地而不然者果死矣既已之家必倍其金以嫁於道路乃出否則不出也而所居家日殺一人亡論親疎怨德觸之必死死必其日所首觸者其毒蓋寓於盤食飲食間故閩人有不知而偶拾其金以歸及已知而苦無金倍送者或雖知且有金而性貪以忍者往往育是蚕云 鬱儀樓集

蠶蟲北海所無獨西南方有之閩廣滇貴延綏臨洮俱有閩字從出謂

金蚕也

野蚕

夢溪筆談禹貢萊夷作牧厥篚檠絲史記作金絲爾雅曰檠山桑顏師古曰山桑之絲其初中琴瑟之絃蘇氏曰惟東萊為有此絲以之為絃堅韌異常萊人謂之山蠶爾雅曰嶧桑蠶譬由樗蠶棘前桑蒲玩蒹蒲今萊陽之山蠶繅蓋樗繭也枝乘七發野蚕之絲以為絃殆所謂嶧繭而韌堅者與

文太音文集

永樂時山東進野蚕絲製衾薦之太廟即臣稱賀今東齊山谷有之與家繭等蚕月抗種出蟻蠕蠕然即散置柵樹上柵樹初生時猗猗不异柔桑聽其眠食食盡即枝枝相換樹樹相移皆人力為之獨山徧谷一望皆蚕其蚕壯大亦生而習野矣風日雨中不為罷然或傷水浸豈雀啄野人飼蚕必架廬林下手長竿逐樹按行為之察陰陽禦鳥鼠其稔

也與家蚕相復先其穰者歲三收春夏秋為蠶大者二寸非黃非白色
類土淺則黃壤深則赤埴墳如果蠶繁實離離綴木葉間又或如雄雞
殼也蚕食樹名榭食椿名椿食椒名椒蚕之小者作蠶堅如石大才如
指在深谷叢條間不關人力樵牧遇之收曰山繭繅不加染踏而有章
敵不易色宋王禹稱小畜集云野蚕自成繭綠密為山紉此物產何許
菜夷負海州一端重數斤裁染為褻裘云云讀是詩則知宋時未始珍
也且曰裁染不幾于漆方竹杖乎

鳳尾

正德中武陵陳洪謨守漳州之三年海上田者見大鳥飛過遺羽一于
水涯長七八尺五采炫煥眾以為鳳尾來獻命藏庫中後鎮閣來收答
以焚棄陳洪謨字宗禹弘治丙辰進士兵部左侍郎所著高吾詩集

欽隸許文穆相國 國孝廉時讀書宣城石山寺偶見二青鳥飛鳴移時
乃去僧曰碧鷄也傳聞唐時李翰林自蜀中攜來者我 明惟舒梓溪
狀元一見因出所藏圖卷示之許作碧鷄篇綴其後

雞足山异鳥

賓川州雞足山有金雞泉日有异鳥飲之鳥來必雙至二一雙而止四
時皆然鳥無增減水無盈縮

石燕

零陵石燕相傳能飛飛即風雨唐詩石燕拂雲晴亦雨是也謝鴻云何
在柳中山寺為學見高岩上石有如燕狀者因以筆記之石為烈日所
暴忽有驟雨過石即衝起往往墜地蓋寒熱相激而迸落非真能飛也
五雜俎

朱鷺

密縣志紅鶴大如舒鴈羽白而竊朱聲最濁食魚巢樹疑漢朱鷺比也

海鷗

正德末有鳥黑色大如象舒翅如船蓬飛入長安門內大樹上啖人鷺如拾蛆蟲然數月方去人以為海鷗也

石鷺

萬曆庚子七月山東任城縣浚河於石中剖得二小鵝大如拳飛行動一老工曰三十年前曾得一

白蝙蝠

李太白集荊州玉泉山多乳窟中有白蝙蝠飲乳水而長生其大如鷺

鵝

萬曆庚寅夏巨謨入朝偶見苑中五色鵝异之有詩

山東泰安州甘露寺林鶴受記每六月朔去臘月朔來巢

遼陽多鶴嘗于百盤空列仙傳所云遼陽鶴不虛也

淮安海州產鶴于海濱萑葦之區捕者深入必折葦記徑或得其卵蒸置故處七蒸七炊因剖為杯注酒氣形而上如鶴

鶴

鶴有長水石故能於巢中養魚而不涸鶴取礬石同卵以助煖氣

鷓鴣

弋陽汪少宰得當處中官席飯僅半甌香滑而膏异于常在問所出則蜀中歲進其米生于鷓鴣每尾止取二粒放去來時仍可取也

鷓鴣

萬曆三年乙亥黃克悔北征道出九江同知洪樂卿告曰元年癸酉正月二十五日中使自西域取二鷓鴣歸一紅一白毛羽鮮麗蓋人所未觀者自言踰蜀始得之至楚而穆皇已賓天矣有詩紀感

沙雞

萬曆間京師市上有鳥大如鷓鴣毛色淺黃足五指有細鱗如龜紋名

曰沙鷄云自塞外至者其味亦似山雞

五雜俎

沙雞西北邊鳥也騎數擾沙雞無止冬月薄莫群飛過都如風斯障

後飛止江北食禾稼鳳陽守臣奏異鳥崇禎七年

陳子壯南宮集

壬申沙雞入京每來則邊警蓋古突厥雀也丙子八宣府舉朝未聞

上從宮中傳諭本兵始知其事

楊士應云空蒼記

按唐高宗甘露元年

秋鳴鷓群飛入塞人呼鳴鷓突厥雀南飛戎馬必至已而泥孰自反至

春群飛出塞多墮靈武間死視之無首後泥孰自亡噫以古準今昭若

左契矣

緣磬采雞

諸暨有貨藥弄人者問於鄰媛鄰曰汝欲其急死乎曰然曰亟死禍將

及身不若緩之使其人不知可自免也其人善之乃易綠礬與之約有數月始應至期又問曰汝欲其必死乎抑尚可解也曰吾昔有甚怒今稍解矣曰前與者綠礬也不能殺人殆緩爾怒耳其人悔謝而去是年母雞抱卵三日羽毛變五采頭距易狀編邑人來觀曰鳳雛也恐非地方利夜縱之長山上錢德洪有綠礬采雞傳

雞

雞昏鳴俗所异也崇德曹廣遠思崇禎庚辰登第其家雞昏鳴詰朝捷至元氏長慶集云元和十五年奉宣令採同州雙雞五聯各重四斤頻年採取一聯不獲自臣到州詢問採捕人等皆云二十年採得一聯雞耳昨自日之內併獲兩聯斤兩輕重悉符詔旨今同州雞無聞止稱秦和雞菜陽雞

鴉

廣東無鴉又四川龍安府鴉至四月終有烏群啄之鴉俱匿影華亭也
長明守羅定所說

羅雀

桐城左遠直光斗萬應庚子維館里許有白雀巢園飛集環數百雀江
南老人指示土人曰此魏科之應左即登鄉榜飛去丁未會榜人來巢
榜發又飛去俊官中丞歸被逮公子往宿壽州居停誇言羅有白雀視
之左翅有黑點仍庚子丁未巢館圍者問其羅日曰三月二十九日即
中丞被逮日也為嗟嘆購之隨身至宿州羈宿公館未發中丞問狀曰
白雀為羅^命令也夫喙其毛羽為虞人所損附歸善飼候其滿綴之中丞
父甚愛護七月二十四夜忽遇猫害中丞父慘然知為指揮鎮撫凶聞
果二十四日也

抵詭

衛輝府沿前石獸曰狻說文云此獸其性忠直

挑拔

西域諸國鳥弋有獸挑拔一云符拔似鹿長尾一角者或為天鹿兩角者或為辟邪安息有大鳥爵其頸似鷹身蹄似橐駝色蒼翠頭高八九尺張翅丈餘食大麥曾以大鳥卵獻漢即此鳥卵也條枝亦有大鳥卵如甕大月氏出一峯橐駝謂脊上有一峯也

毘耶

瓊州臨高縣西市毘耶山有獸似犬里人呼為毘耶

裴休

義眉山有獸送客呼以裴休則應

騰駝

廣東肇慶府西北十五里騰駝嶺以產騰駝故名騰駝沫猴類頭正方

貌類人髮長尺餘嘗覆面欲有所視輒搖頭以兩手披之一名騰豹

獅

天順中西番獻獅子道元獻其皮錦衣衛指揮僉事喜信使其人上書
求通使開西域

西苑獅日食一羊西域胡人主之白布纏首帶衣綠支正三品料

鹿

南京靈谷寺 太祖手書第一禪林鹿百十為群其懸銅牌者國初所
畜

犬

雲南縣南二十里山木山寺有木犬貴客至木犬自吠

俗說犬豕獨產不利爾雅犬生三獲二獅一衛豕生三穢二師一時郭
璞注豬生子嘗多故別其少者之名又致富奇書犬生一子其家三年

肉大發

羊

山西羊有八角至四角六角為常

松潘出六角羊土人云羊與鹿交故六角

白兔

虎鹿兔皆年千歲滿五百歲者其毛色白

萬歷中有船商自暹羅携

白兔歸闈售四百金每季而育其種日蕃蓋另一類生即白色崇禎中

浙直徧有之直三四金

鼠

詩相鼠有體人而無禮陸機云河東有大鼠能人立交前大脚於頭上
跳舞善鳴相地名按地志相州與河東相隣則知相州有此鼠詩人蓋
取譬焉 密縣開陽山周圍三里產香鼠惟經人行之路則抱蒿莖棘

杖而死或樵牧者偶遇之亦不能多得 黃花鎮禮崇邑如貂毛浸冬
聚榛實於穴作歧穴貯之多至三斗其榛實皆美好倍常山氓多採取
之鼠失榛實牝牡皆窄肛樹枝懸死若繼鎮將閉之雖鷹隼不能止

麟

麟爾雅釋畜身牛尾馬蹄一角春秋所獲麟也大麋一角牛尾即漢武
郊雍所獲麟也不角者麒麟宋仁宗嘉祐二年交趾所進二麒麟牛身象
耳狗足魚麟所食艸木皆中國無有

象羸

山海經華山西七百里曰高山出象羸今平涼美高山六盤是也象羸
狀如羸毛似刺蝟而大可以為簪黑上白下甚美弩之能射物以自衛
嘉靖以前多有 平涼府志

馬

平涼苑馬寺監七苑馬政 開城苑荒熟地三萬六千四百七十頃
四十三畝縱一百二十里橫八十里碑標二十九樹額軍七百人原馬
并駒二千六百三十八匹

廣寧苑荒熟地二萬五千八百八十頃五十三畝縱五十里橫一百里
碑標十五樹額軍五百人原馬并駒千二百五十六匹

黑水苑荒熟地萬一千六百二十七頃九十六畝軍民地相交碑標十
五樹額軍二百七十六人原馬并駒一千四百匹

安定苑

七百匹

清平苑荒熟地二萬五千九百一十頃三十一畝縱七十里橫四十里
碑標二十二樹額軍五百四十二人原馬并駒二千四百七十四匹

萬安苑

武安苑荒熟地二千九百五十七頃四十三畝額軍四百四十六人原

馬并駒千九百四十九匹

長樂監轄廣寧開城黑水安定四苑靈武監轄清平萬安武安三苑共